



五代史記卷第五十九

司天考

宋歐陽脩撰徐無黨注明汪盛高澂傳汝舟校

昔孔子作春秋而天人備予述本紀書人而不書天子何敢異於聖人哉其文雖異其意一也自堯舜三代以來莫不稱天以舉事孔子刪詩書不去也蓋聖人不絕天於人亦不以天參人絕天於人則天道廢以天參人則人事惑故常存而不究也春秋雖書日食星變之類孔子未嘗遺其所以然者故其弟子之徒莫得有所述於後世也然則天果與於人乎果不與於人乎曰天吾不知質諸聖人之言可也易曰天道虧盈而益謙地道變盈而流謙鬼神害盈而福謙人道惡盈而好謙此聖人極論天人之際最詳而明者也其於天地鬼神以不可知為言其可知者人而

已夫日中則昃盛衰必復天吾不知吾見其虧盈於物者
矣草木之成者變而衰落之物之下者進而流行之地吾
不知吾見其變流於物者矣人之貪滿者多禍其守約者
多福鬼神吾不知吾見人之禍福者矣天地鬼神不可知
其心則因其著於物者以測之故據其迹之可見者以爲
言曰虧益曰變流曰害福若人則可知者故直言其情曰
好惡其知與不知異辭也矣而會見與人無以異也其果
與於人乎不與於人乎則所不知也以其不可知故常尊
而遠之以其與人無所異也則修吾人事而已人事者天
意也書曰天視自我民視天聽自我民聽未有人心悅於
下而天意怒於上者未有人理違於下而天道順於上者
然則王者君天下子生民布德行政以順人心是之謂奉

天至於三辰五星常動而不息不能無盈縮差忒之變而
占之有中有不中不可以爲常者有司之事也本紀所述
人君行事詳矣其興亡治亂可以見至於三辰五星逆順
變見有司之所占者故以其官其職以備司天之所考焉
呼聖人既沒而異端起自秦漢以來學者惑於災異矣天
文五行之說不勝其繁也予之所述不得不異乎春秋也
考者可以知焉

開平二年夏四月辛丑癸惑犯上將甲寅地震四年十二
月庚午月有食之乾化元年春正月丙戌朔日有食之五
月客星犯帝座二年正月丙申癸惑犯房第二星戊申月
犯心大星四月甲寅月掩心大星壬申彗出于張甲戌彗
出靈臺同光元年十月辛未朔日有食之二年六月甲申

五十年庚子
言天卷二
衆星交流八月戊子熒惑犯星十一月丁巳地震三年三
月丙申熒惑犯上相戊申月有食之四月癸亥朔日有食
之甲子熒惑犯左執法六月甲子太白晝見丙寅歲犯右
執法巳巳太白晝見庚寅衆星流自二更盡三更而止辛
卯衆小星流于西南九月甲辰月有食之丁未天狗墮有
聲如雷野雉皆雉丙辰太白歲相犯十一月甲寅地震矣
咸亨二年三月惡星入天庫流星犯天樞四月庚戌金犯積
尸六月乙未衆小星交流七月巳未月犯太白庚申太白
晝見乙丑月入南斗魁八月乙酉朔日有食之癸卯太白
犯心大星乙巳月犯五諸侯辛亥熒惑犯上將九月丁巳
月犯心大星巳巳月犯昴庚午熒惑犯右執法巳卯熒惑
犯左執法十月戊子熒惑犯上相巳丑至于庚子日月赤

而無光丙午月掩左執法十一月丁丑月暈庶火木戊寅
月犯金木土十二月戊戌熒惑犯心乙巳月掩庶子二年
正月甲戌熒惑歲相犯二月辛卯熒惑犯鍵閉三月戊午
月掩鬼庚申衆小星流于西北巳巳熒惑犯上相乙亥月
入羽林四月丁亥月犯右執法癸卯月入羽林六月辛丑
熒惑犯房八月巳卯朔日有食之庚子月犯五諸侯九月
壬子歲犯房庚申月入羽林壬申月犯上將十月壬午月
犯五諸侯癸未地震十一月乙卯月入羽林辛未地震壬
申地震十二月癸未地震三年春正月壬申金火合于奎
二月丁丑朔日有食之四月丁酉月犯五諸侯五月丁巳
月掩房距星六月乙酉月掩心庶子癸巳月入羽林自正
月至于是月宗人宗正搖不止七月乙卯月入南斗魁閏

八月癸卯朔熒惑犯上將戊申月犯南斗乙卯熒惑犯右
執法庚戌太白犯右執法九月庚辰土木合于箕辛巳金
火合于軫十月庚午彗出西南十一月戊子月掩軒轅大
星乙未太白犯鎮月掩房十二月壬寅朔熒惑犯房金木
相犯于斗乙卯月有食之四年正月癸巳月入南斗魁二
月辛酉月及火土合于斗三月壬辰歲犯牛六月癸丑月
有食之既七月丁丑月入南斗九月丙子熒惑入哭星十
二月庚戌月有食之既長興元年六月癸巳朔日有食之
乙卯太白犯天鐔八月己亥月犯南斗乙卯月犯積尸九
月辛酉朔眾小星交流而隕十一月壬戌熒惑犯氏十二
月丙辰熒惑犯天江二年正月乙亥太白犯羽林五月癸
亥太白晝見閏五月乙巳歲晝見六月壬午地震八月丁

巳辰犯端門九月丙戌眾星交流丁亥眾星交流而殞戊
子太白晝見丁未雷十一月甲申朔日有食之丙戌太白
犯鏈三年四月庚辰熒惑犯積尸九月庚寅太白犯哭星
十月壬申太白晝見十月己亥太白犯辟壘四年五月癸
卯太白晝見六月庚午眾星交流六月乙亥朔眾星交流
九月辛巳太白犯右執法乙未雷應順元年二月丁酉眾
星流于西北四月戊寅白虹貫日是月改元清泰元年五
月己未太白晝見六月甲戌太白犯右執法九月辛丑眾
星交流壬寅雨雹于京師冬十一月丁未彗出塵危掃天
壘及哭星天福元年三月壬子熒惑犯積尸二年正月乙
卯朔日有食之七月丙寅月有食之十二月己卯朔日有
白虹二三年三月壬子日有白虹二五月壬子月犯上將

四年四月辛巳太白犯東井北轅甲午太白犯五諸侯五
月丁未太白犯輿鬼中星七月庚子朔日有食之九月癸
未月掩畢五年十一月丁丑月有食之六年八月辛卯太
白犯軒轅九月巳卯癸惑犯上將壬子彗出于西掃天市
垣八年四月戊申朔日有食之八月丙子癸惑犯右掖十
月庚戌彗出東方丙辰癸惑犯進賢十一月庚子月犯房
開運元年二月辛亥日有白虹二壬戌太白犯昴巳巳癸
惑犯天鑰三月戊子月有食之四月丁巳太白犯五諸侯
七月庚辰月犯癸惑壬午月入南斗甲申太白犯東井八
月甲辰癸惑入南斗九月庚午朔日有食之丙子月入南
斗乙酉月食昴丙戌月有食之庚寅月犯五諸侯十月癸
卯月入南斗十一月辛巳月犯昴十二月癸丑太白犯辰

二年七月乙未朔月犯角壬寅月犯心前大星庚戌歲犯
井鉞八月甲子朔日有食之甲戌歲犯東井九月巳酉月
犯昴甲寅太白犯南斗魁十一月甲午朔太白犯哭星癸
丑月掩角距星戊午月犯心後星三年二月壬戌朔日有
食之天福十二年四月丙子太白晝見十月巳丑太白犯
元距星十一月壬子兩木冰辛酉兩水冰壬戌月犯昴癸
酉兩木冰乙亥月掩心大星巳卯月犯南斗十二月乙未
月有食之乾祐元年四月中午月犯南斗六月戊寅朔日
有蝕之乙未月入南斗七月甲寅月掩心庶子星八月
乙酉鎮犯太微西垣戌戌歲犯右執法九月丁卯月掩鬼
十月丁丑歲犯左執法二年四月壬午太白晝見六月癸
酉朔日有食之壬午月犯心丙戌月犯天關八月乙亥月

犯房次將九月壬寅太白犯右執法庚戌太白犯鎮辛酉
鎮犯右執法丁卯太白犯歲鎮自元年八月己丑入太微
垣犯上將執法內屏謁者勾巳往來至是歲十一月辛亥
而出四百四十三日甲寅月犯昴二年二月甲戌月犯昴六月乙卯
鎮犯左掖七月甲申熒惑犯司怪八月癸卯太白犯房庚
戌太白犯心大星十月辛酉月犯心大星太白犯未十一
月甲子朔日有食之廣順元年二月丁巳歲犯咸池己未
熒惑犯五諸侯三月甲子歲守心己卯熒惑犯鬼壬午熒
惑犯天戶四月甲午歲犯鈞鈴二年二月庚寅太白經天
四月丙戌朔日有食之七月乙丑熒惑犯井鉞八月乙未
熒惑犯天罇九月辛酉熒惑犯鬼庚辰太白掩右執法十
月壬辰太白犯進賢三年四月乙丑熒惑犯靈臺五月辛

巳熒惑犯上將丙申熒惑犯右執法七月乙酉月犯房十
二月戊申雨木冰顯德元年正月庚寅有大星隊有聲如
雷牛馬皆逸京城以為曉鼓皆伐鼓以應之二年正月壬
戌有星孛于參十一月庚午白虹貫日癸酉月有食之
五代亂世文字不完而史官所記亦有詳畧其日月五星
之變大者如此至於氣侵之象出沒銷散不常尤難占據
而五代之際日有冠珥環暈纓紐負抱戴履背氣十日之
中常七八其繁不可以勝書而背氣尤多天福八年正月
丙戌黃霧四塞九年正月乙未大霧中二白虹相偶四月
庚戌大霧中有蒼白二虹廣順元年十一月甲子白虹竟
天此其尤異者也至於吳火出楊林江水中閩天兩豆之
數皆非中國耳目所及者不可得而悉書矣

漢西有岐蜀北有燕晉而宋氏所有七十八州以爲梁莊
 宗初起并代取幽倉有州三十五其後又取梁魏博等十
 有六州合五十一州以滅梁岐王稱臣又得其州七同尤
 破蜀已而復失惟得秦鳳階成四州而營平二州陷于契
 丹其增置之州一合一百二十三州以爲唐石氏入立獻
 十有六州于契丹而得蜀金州又增置之州一合二百九州
 以爲晉劉氏之初秦鳳階成復入于蜀隱帝時增置之州
 一合一百六州以爲漢郭氏代漢十州入于劉旻世宗取
 秦鳳階成瀛莫交淮南十四州又增置之州五而廢者三
 合一百二十八州以爲周末與因之此中國之大會也其
 餘外屬者強弱相并非常其得失至於周末閩巴先亡而
 在者七國自江以二十二州爲南唐自劔以南及山南

西道四十六州爲蜀自湖南北十州爲楚自浙東西十三
 州爲吳越自嶺南北四十七州爲南漢自太原以北十州
 爲東漢而荆歸峽三州爲南平合中國所有二百六十八
 州而軍不在焉唐之封疆遠矣前史備載而羈縻寄治墟
 名之州在其間五代亂世文字不完而時有廢省又或陷
 于夷狄不可考究其詳其可見者具之如譜

州	梁	唐	晉	漢	周
汴	都	有	都	都	都
洛	都	都	都	都	都
雍	有	都	有	有	有
兖	有	有	有	有	有
沂	有	有	有	有	有

乾	鳳	階	城	秦	武	渭	原	涇	隴	岐	鹽
岐	岐	岐	岐	岐	岐	岐	岐	岐	岐	岐	有
<small>李茂興</small>	<small>蜀</small>	<small>蜀</small>	<small>蜀</small>	<small>武雄</small>	<small>蜀</small>	<small>蜀</small>	<small>蜀</small>	<small>義</small>	<small>蜀</small>	<small>蜀</small>	<small>蜀</small>
有	有	有	有	有	有	有	有	有	有	有	有
有	有	有	有	有	有	有	有	有	有	有	有
有	蜀	蜀	蜀	蜀	有	有	有	有	有	有	有
有	有	有	有	有	有	有	有	有	有	有	有

靈	宥	綏	銀	夏	延	丹	坊	鄜	威	衍	慶
有	有	有	有	有	有	有	有	有	有	有	有
<small>方朔</small>				<small>難定</small>	<small>義忠</small>			<small>大保</small>			
有	有	有	有	有	有	有	有	有	有	有	有
有	有	有	有	有	有	有	有	有	有	有	有
有	有	有	有	有	有	有	有	有	<small>高祖</small>	有	有
有	有	有	有	有	有	有	有	有	有	有	有
有	有	有	有	有	有	有	有	有	有	有	有
有	有	有	有	有	有	有	有	有	<small>改曰</small>	有	有

常	潤	通	濠	泰	海	壽	廬	斬	舒	黃	光
吳	吳	吳	吳	吳	吳	吳	吳	吳	吳	吳	吳
吳	吳	吳	吳	吳	吳	吳	吳	吳	吳	吳	吳
南唐	南唐	南唐	南唐	南唐	南唐	南唐	南唐	南唐	南唐	南唐	南唐
南唐	南唐	南唐	南唐	南唐	南唐	南唐	南唐	南唐	南唐	南唐	南唐
南唐	南唐	有	有	有	有	有	有	有	有	有	有

和	滌	泗	楚	揚	遼	沁	潞	澤	濕	慈	汾
吳	吳	吳	吳	吳	唐	唐	唐	唐	唐	唐	唐
吳	吳	吳	吳	吳	有	有	有	有	有	有	有
南唐	南唐	南唐	南唐	南唐	有	有	有	有	有	有	有
南唐	南唐	南唐	南唐	南唐	有	有	有	有	有	有	有
有	有	有	有	有	東漢	東漢	有	有	有	有	東漢

欽	廣	橫	賓	潯	惠	鬱林	英	雄	瓊	崖	儋
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢

萬安 南漢 南漢 南漢 南漢 南漢 南漢 南漢 南漢 南漢
 羅 南漢 南漢 南漢 南漢 南漢 南漢 南漢 南漢 南漢
 潘 南漢 南漢 南漢 南漢 南漢 南漢 南漢 南漢 南漢
 勤 南漢 南漢 南漢 南漢 南漢 南漢 南漢 南漢 南漢
 龍 南漢 南漢 南漢 南漢 南漢 南漢 南漢 南漢 南漢
 辨 南漢 南漢 南漢 南漢 南漢 南漢 南漢 南漢 南漢

汴州唐改曰宣武軍晉天福三年升為東京漢周因之
 滅梁復為宣武軍晉天福三年升為東京漢周因之
 洛陽梁唐晉漢周常以為都唐故為東都梁為西都後唐
 為洛京晉為西京漢周因之

雍州唐故上都昭宗遷洛廢為佑國軍梁初改京兆府曰
 大安佑國軍曰永平唐滅梁復為西京晉廢為晉昌軍漢

改曰永興周因之

曹州故屬宣武軍節度晉開運二年置威信軍漢初軍廢

周廣順二年復置彰信軍

宋州故屬宣武軍節度梁初徙置宣武軍唐滅梁改曰歸

德

陳州故屬忠武軍節度晉開運二年置鎮安軍漢初軍廢

周廣順二年復之

許州唐故曰忠武梁改曰匡國唐滅梁復曰忠武

滑州唐故曰義成以避梁王父諱改曰宣義唐滅梁復其

故

襄州唐故曰山南東道唐梁之際改曰忠義軍後以延州

為忠義襄州復曰山南東道

鄧州故屬山南東道節度梁破趙匡凝分鄧州置宣化軍

唐改曰威勝周改曰武勝

安州梁置宣威軍唐改曰安遠晉罷漢復曰安遠周又能

晉州故屬護國軍節度梁開平四年置定昌軍貞明三年

改曰建寧唐改曰建雄

金州故屬山南東道節度唐末置戎昭軍已而廢之遂入

于蜀至晉高祖時又置懷德軍尋罷

陝州唐故曰保義梁改曰鎮國後唐復曰保義

華州唐故曰鎮國梁改曰感化後唐復曰鎮國

同州唐故曰匡國梁改曰忠武後唐復曰匡國

耀州本華原縣唐末屬李茂貞建為耀州置義勝軍梁末

帝時茂貞養子溫韜以州降梁梁改耀州為崇州義勝曰

靜勝後唐復為耀州改曰順義

延州故屬保大軍節度梁置忠義軍唐改曰彰武

魏州唐故曰大名府置天雄軍五代皆因之後唐建鄴都

晉漢因之至周罷大名府後唐曰興唐晉曰廣晉漢周復

曰大名

澶州故屬天雄軍節度晉天福九年置鎮寧軍

相州故屬天雄軍節度梁末帝分置昭德軍而天雄軍亂

遂入于晉莊宗滅梁復屬天雄晉高祖置彰德軍

邢州故屬昭義軍節度昭義所統澤路邢洛磁五州唐末

孟方立為昭義軍節度使徙其軍額于邢州而澤路二州

入于晉方立但有邢洛磁三州故當唐末有兩昭義軍梁

晉之爭或入于梁或入于晉梁以邢洛磁三州為保義軍

莊宗滅梁改曰安國

鎮州故曰成德軍梁初以成音犯廟諱改曰武順唐復曰

成德晉又改曰順德漢復曰成德

應州故屬大同軍節度唐明宗即位以其應州人也乃置

彰國軍新州唐同光元年置威塞軍

府州晉置永安軍漢罷之周復

并州後唐建北都其軍仍曰河東

路州唐故曰昭義梁末帝時屬梁改曰匡義歲餘唐滅梁

改曰安義晉復曰昭義

盧州周世宗克淮南置保信軍

壽州唐故曰忠正南唐改曰清淮周世宗平淮南復曰忠

正

五代之際外屬之州揚州曰淮南宣州曰寧國鄂州曰武昌洪州曰鎮南福州曰武威杭州曰鎮海越州曰鎮東江陵府曰荆南益州梓州曰劍南東西道遂州曰武信興元府曰山南西道洋州曰武定黔州曰黔南潭州曰武安桂州曰靜江容州曰寧遠邕州曰建武廣州曰清海皆唐故號更五代無所易而今因之者也其餘僭偽改置之名不可悉考而不足道其因著于今者略注于譜

濟州周廣順二年置割鄆州之鉅野鄆城兗州之任城單州之金鄉為屬縣而治鉅野

單州唐末以宋州之碭山梁太祖鄉里也為置輝州已而徙治單父後唐滅梁改輝州為單州其屬縣置徙傳記不同今領單父碭山成武魚臺四縣

耀州李茂貞置治華原縣梁初改曰崇州唐同光元年復為耀州

解州漢乾祐元年九月置割河中之聞喜安邑解三縣為屬而治解

威州晉天福四年置割靈州之方渠寧州之木波烏嶺三鎮為屬而治方渠周廣順二年改曰環州顯德四年廢為通遠軍

五代置軍六皆寄治於縣隸於州故不別出監者物務之名

乾州李茂貞置治奉先縣

磁州梁改曰惠州唐復曰磁州

景州唐故置弓高周顯德二年廢為定遠軍割其屬安陵縣屬德州發弓高縣入東光縣為定遠軍治所

濱州周顯德三年置以其濱海為名初五代之際置推蓋

務於海傍後為贍國軍周因置州割棣州之渤海蒲臺為屬縣而治渤海

雄州周顯德六年克瓦橋關置治歸義割易州之容城為屬縣廢

霸州周顯德六年克大血津關置治永清割莫州之文安瀛州之大城為屬

通州本海陵之東境南唐置靜海制置院周世宗克淮南并為靜海軍後置通州分其地置靜海海門二縣為屬而治靜海

筠州南唐李景置割洪州之高安上高萬載清江四縣為屬而治高安

劔州南唐李景置割建州之延平劔浦富沙三縣為屬而

治延平

全州楚王馬希範置以潭州之湘川縣為清湘縣又割淮陽縣為屬而治清湘

秀州吳越王錢元瓘置割杭州之嘉興縣為屬而治之

雄州南漢劉龔割韶州之保昌置治保昌

英州南漢劉龔割廣州之瀘陽置治瀘陽

開封府故統六縣梁開平元年割滑州之酸棗長垣鄭州之中牟陽武宋州之襄邑曹州之考城更曰戴邑許州之扶溝陽陵陳州之太康隸焉唐分酸棗中牟襄邑陽陵太康五縣還其故晉并汴州為東京復割五縣隸焉

雍丘晉改曰杞漢復其故長垣唐改曰匡城

黎陽故屬滑州晉割隸衛州

葉襄城故屬許州唐割隸汝州

楚丘故屬單州梁割隸宋州

密州膠西故曰輔唐梁改曰安丘唐復其故晉改曰膠西

渭南故屬京兆周改隸華州

同官故屬京兆府梁割隸同州唐割隸耀州

美原故屬同州李茂貞置昂州而治之梁改爲裕州屬順

義軍節度後不見其廢時唐同光三年割隸耀州

平涼故屬涇州唐末渭州陷吐蕃權於平涼置渭州而縣

廢後唐清泰三年以故平涼之安國耀武兩鎮置平涼縣

屬涇州

臨涇故屬涇州唐末原州陷吐蕃權於臨涇置原州而涇

州兼治其民後唐清泰三年割隸原州

鄜州咸寧周廢

稷山故屬河中唐割隸絳州

慈州作城呂香周廢

大名府大名唐故曰貴鄉後唐改曰廣晉漢改曰大名

滄州長蘆乾符周廢入清池無隸周置保順軍

安陵故屬景州周割隸德州

澶州頓丘晉置德清軍

博州武水周廢入聊城

博野故屬涿州周割隸定州

武康故屬湖州梁割隸杭州

福州閩清梁乾化元年王審知於梅溪場置

蘇州吳江梁開平三年錢鏐置

明州望海梁開平二年錢鏐置

夏州長松故曰松陽梁改曰長松

潭州龍喜漢乾祐三年馬希範置

天長六合故屬揚州南唐以天長為軍六合為雄州周復

故

漢陽故屬鄂州周置漢陽軍

汝州故屬沔州周割隸安州

襄州樂鄉周廢入宜城

鄧州臨湍漢改曰臨瀨荆潭向城周廢

復州竟陵晉改曰景陵

監利故屬復州梁割隸江陵

唐州慈丘周廢

商州乾元漢改曰乾祐割隸京兆

各南故屬華州周割隸唐州

隨州唐城梁改曰漢東後唐復舊晉又改漢東漢復舊

雄勝軍本鳳州固鎮周置軍

秦州天水隴城唐末廢後唐復置

成州栗亭後唐置

自唐有方鎮而史官不錄於地理之書以謂方鎮兵戎之事非職方所掌故也然而後世因習以軍自地而沒其州

名若今永興本節度軍名而今命守臣遂曰又今置軍者徒以虛

名升建為州府之重此不可以不書也州縣凡唐故而廢

於五代若五代所置而見於今者及縣之割隸今因之者

皆宜列以備職方之考其餘嘗置而後廢嘗改割而復舊

者皆不足書山川物俗職方之掌也五代短世無所遷變故亦不復錄而錄其方鎮軍名以與前史互見之云

秦山天木歸海善木不交其要置
知軍本鳳山同龍圖置軍
自書自不歸而史官不細於此野之書以謂大歸兵安之
知州采亭對善置

五代史記卷第六十

五代史記卷第六十一

宋歐陽脩撰徐無黨注明王文盛高敏傳汝舟校

嗚呼自唐失其政天下乘時黥髮盜販衣冕我魏天暨南

唐姦豪竊攘蜀險而富漢險而貧貧能自彊富者先亡

閩陋荆威楚開蠻服剝剝弗堪真越其尤牢性視人猶蚤

遭劉百年之間並起爭雄山川亦絕風氣不通語曰清風

興群陰伏日月出燭火息故真人作而天下同作十國世

家揚行密字化源廬州合肥人也為人長大有力能手舉百

斤唐乾符中江淮群盜起行密以為盜見獲刺史鄭榮奇

其狀貌釋縛縱之後應募為州兵戍朔方遷隊長歲滿戍

還而軍吏惡之復使出戍行密將行過軍吏舍軍吏陽為

好言問行密行何所欲行密奮然曰惟少公頭爾即斬其
首攜之而出因起兵爲亂自號八營都知兵馬使刺史郎
幼復弃城走行密遂據廬州中和三年唐即拜行密廬州
刺史淮南節度使高駢爲畢師鐸所攻駢表行密行軍司
馬行密率兵數千赴之行至天長師鐸已囚駢召宣州秦
彥入揚州行密不得入屯于蜀岡師鐸率衆數萬出擊行
密行密陽敗弃營走師鐸兵饑乘勝爭入營取軍實行密
反兵擊之師鐸大敗單騎走入城遂殺高駢行密聞駢死
縞軍向城哭三日攻其西門彥及師鐸奔于東塘行密遂
入揚州是時城中倉廩空虛饑民相殺而食其夫婦父子
自相牽就屠賣之屠者判剔如羊豕行密不能守欲走而
蔡州秦宗權遣其弟宗衡掠地淮南彥及師鐸還自東塘

與宗衡合行密閉城不敢出已而宗衡爲偏將孫儒所殺
儒攻高郵破之行密益懼其客表襲白吾以新集之衆守
空城而諸將多駢舊人非有厚恩素信力制而心服之也
今儒兵方盛所攻必克此諸將持兩端因疆弱擇嚮背之
時也海陵鎮使高霸駢之舊將必不爲吾用行密乃以軍
令召霸霸率其兵入廣陵行密欲使霸守天長襲白吾以
疑霸而召之其可復用乎且吾能勝儒無所用霸不幸不
勝天長豈吾有哉不如殺之以并其衆行密因搗軍擒霸
族之得其兵數千已而孫儒殺秦彥畢師鐸并其兵以攻
行密行密欲走海陵襲白海陵難守而廬州吾舊治也城
廩完實可爲後圖行密乃走廬州久之未知所嚮襲白
吾欲卷甲倍道西取洪州可乎襲白鍾傳新得江西勢未

可圖而秦彥之入廣陵也召池州刺史趙鏗委以宣州今
彥且死鏗失所恃而守宣州非其本志且其為人非公敵
此可取也行密乃引兵攻鏗戰于曷山大敗之進圍宣州
鏗弃城走追及殺之行密遂入宣州龍紀元年唐拜行密
宣州觀察使行密遣田頴安仁義李神福等攻浙西取蘇
常潤州二年取滁和州景福元年取楚州孫儒自逐行密
入廣陵父之亦不能守乃焚其城殺民老疾以餉軍驅其
衆渡江號五十萬以攻行密諸將田頴劉威等遇之輒敗
行密欲走銅官其客戴友規曰儒來氣銳而兵多蓋其鋒
不可當而可以挫其衆不可敵而可以救之若避而走
是就擒也劉威亦曰背城堅柵可以不戰疲之行密以為然
父之儒兵饑又大疫行密悉兵擊之儒敗被擒將死仰顧

見威曰聞公為此策以敗我使我有將如公者其可敗邪
行密收儒餘兵數千以皂衣蒙甲號黑雲都常以為親軍
是歲復入揚州唐拜行密淮南節度使乾寧二年加檢校
太傅同中書門下平章事行密以田頴守宣州安仁義守
潤州昇州刺史馮弘鐸來附分遣頴等攻掠自淮以南江
以東諸州皆下之進攻蘇州擒其刺史成及四年兗州朱
瑾奔于行密初瑾為梁所攻求救于晉晉遣李承嗣將勁
騎數千助瑾瑾敗因與俱奔行密行密兵皆江淮人淮人
輕弱得瑾勁騎而兵益振是歲梁太祖遣葛從周龐師古
攻行密壽州行密擊敗梁兵清口殺師古而從周收兵走
追至淝河又大敗之五年錢鏐攻蘇州及周本戰于白方
湖本敗蘇州復入于越天復元年遣李神福攻越戰臨安

大敗之擒其將顧全武以歸二年馮弘鐸叛襲宣州及田
頴戰于烏山弘鐸敗將入于海行密自至東塘邀之使人
謂弘鐸曰勝敗用兵常事也一戰之衄何苦自弃于海
吾府雖小猶足容君弘鐸感泣行密從十餘騎馳入其軍
以弘鐸歸為節度副使以李神福代弘鐸為昇州刺史是
歲唐昭宗在岐遣江淮宣諭使李儼拜行密東面諸道行
營都統檢校太師中書令封吳王二年以李神福為鄂岳
招討使以攻杜洪荆南成汭救洪神福敗之于君山梁兵
攻青州王師範來求救遣王茂章救之大敗梁兵殺朱友
寧友寧梁太祖子也太祖大怒自將以擊茂章兵號二十
萬復為茂章所敗田頴叛襲昇州執李神福妻子歸于宣
州行密召神福以討頴頴遣其將王壇逆之又遣神福書

以其妻子招之神福曰吾以一卒從吳王起事今為大將
忍背德而顧妻子乎立斬其使以自絕軍士聞之皆感奮
行至吉陽磯頴執神福子承鼎以招之神福叱左右射之
遂敗壇兵于吉陽行密別遣臺蒙擊頴頴敗死初頴及安
仁義朱延壽等皆從行密起微賤及江淮用定思漸休息
而三人者皆猛悍難制頴欲除之未有以發天復二年錢
鏐為其將許再思等叛而圍之再思召頴攻鏐杭州垂克
而行密納鏐賂命頴解兵頴恨之頴嘗計事廣陵行密諸
將多就頴求賂而獄吏亦有所求頴怒曰吏欲我下獄邪
歸而遂謀反仁義聞之亦反焚東塘以襲常州常州刺史
李遇出戰望見仁義大罵之仁義止其軍曰李遇乃敢辱
我如此其必有伏兵遂引軍却而伏兵果發追至夾岡仁

義植幟解甲而食遇兵不敢追仁義復入潤州行密遣王茂章李德誠米志誠等圍之吳之軍中推朱瑾善射誠善射皆為第二而仁義常以射自負曰志誠之弓十不當瑾槩之一瑾槩之十不當仁義弓之一每與茂章等戰必命中而後發以此吳軍畏之不敢近行密亦欲招降之仁義猶豫未決茂章乘其怠完地道而入執仁義斬于廣陵延壽者行密夫人朱氏之弟也頽及仁義之將叛也行密疑之乃陽為目疾每接延壽使者必錯亂其所見以少之嘗行故觸柱而仆朱夫人扶之良久乃蘇泣曰吾業成而喪其目是天廢我也吾見子皆不足任事得延壽付之吾無恨矣夫人喜急召延壽延壽至行密迎之寢門刺殺之出朱夫人以嫁之天祐二年遣劉存攻鄂州焚其城

城中兵突圍而出諸將請急擊之存曰擊之復入則城愈固聽其去城可取也是日城破執杜洪斬于廣陵九月梁兵攻破襄州趙匡凝奔于行密十一月行密卒年五十四謚曰武忠子渥立溥僭號追尊行密為太祖武皇帝陵曰興陵

渥字承天行密長子也行密病出渥為宣州觀察使右衙指揮使徐溫私謂渥曰今王有疾而出嫡嗣必有姦臣之謀若他日召子非溫使者憤無應命渥涕泣謝溫而去行密病甚命判官周隱作符召渥隱慮渥幼弱不任事勸行密用舊將有威望者代主軍政乃薦大將劉威行密未許溫與嚴可求入問疾行密以隱議告之溫等大驚遽請隱所計事隱未出而溫見隱作召符猶在案上急取遣之渥

見溫使者乃行行密卒溆嗣立召周隱罵曰汝欲賣吾國
者復何面目見楊氏乎遂殺之以王茂章為宣州觀察使
溆之入也多輦宣州庫物以歸廣陵茂章惜而不與溆怒
命李簡以兵五千圍之茂章奔于錢塘天祐三年二月劉
存取岳州四月江西鍾傳卒其子匡時代立傳養子延規
怨不得立以兵攻匡時溆遣秦裴率兵攻之九月克洪州
執匡時及其司馬陳象以歸斬象於市赦匡時以秦裴為
江西制置使梁太祖代唐改元開平溆仍稱天祐鄂州劉
存岳州陳知新以舟師伐楚敗于瀏陽楚人執存及知新
以歸楚王馬殷素聞其名皆欲活之存等大罵殷曰昔歲
宣城脫吾刃下今日之敗乃天亡我我肯事汝以求活邪
我豈負楊氏者殷知不可屈乃殺之岳州復入于楚初溆

之入廣陵也留帳下兵三千於宣州以其腹心陳璠范遇
將之既入立惡徐溫典牙兵召璠等為東院馬軍以自衛
而溫與左衙都指揮使張顥皆行密時舊將又有立溆之
功共惡璠等侵其權四年正月溆視事璠等侍側溫顥擁
牙兵入拽璠等下斬之溆不能止由是失政而心憤未能
發溫等益不自安五年五月溫顥共遣盜入寢中殺溆溆
說群盜能反殺溫等者皆為刺史群盜皆諾惟紀祥不從
執溆縊殺之時年二十二謚曰景弟隆演立溥僭號追尊
溆為烈宗景皇帝陵曰紹陵

隆演字鴻源行密第二子也初名瀛又名渭初溫顥之弑
溆也約分其地以臣於梁及溆死顥欲背約自立溫患之
問其安嚴可求可求曰顥雖剛愎而闇於成事此易為也

明日顓列劔戟府中召諸將議事自大將朱瑾而下皆去
衛從然後入顓問諸將誰當立者諸將莫敢對顓三問可
求前密啓曰方今四境多虞非公主之不可然恐爲之太
速且今外有劉威陶雅李簡李遇皆先王一等人也公雖
自立未知此輩能降心以公事否不若輔立幼主漸以歲
時待其歸心然後可也顓不能對可求因趨出書一教內
袖中率諸將入賀諸將莫知所爲及出教宣之乃溼母史
氏教言楊氏創業艱難而嗣王不幸隆演以次當立告諸
將以無負楊氏而善事之辭旨激切聞者感動顓氣色皆
沮卒無能爲隆演乃得立顓由此與溫有隙諷隆演出溫
潤州可求謂溫曰今捨衙兵而出外郡禍行至矣溫患之
可求因說顓曰公與徐溫同受顧託議者謂公奪其衙兵

是將殺之於外信乎顓曰事已不可矣安可止乎可求曰甚
易也明日從顓與諸將造溫可求亦陽責溫曰古人不志一
飯之恩况公楊氏二世之將今幼嗣新立多事之時乃求
居外以苟安乎溫亦陽謝曰公筭見留不願去也由是不
行行軍副使李承嗣與張顓善溫見可求有附溫意諷顓使
客夜刺殺之客刺可求不能中明白可求詣溫謀先殺顓
陰遣鍾章選壯士三十人就衙堂斬顓因以弑溼之罪歸
之溫由是專政隆演備位而已六月撫州危全諷叛攻洪
州袁州彭彥章吉州彭玕信州危仔倡皆起兵叛隆演召
嚴可求問誰可用者可求薦周本時本方攻蘇州敗歸慙
不肯出可求彊起之本曰蘇州之敗非怯也乃上將權輕
而下多專命爾若必見任願無用偏裨乃請兵七千戰于

象牙潭敗之執全諷彥章而珥奔于楚仔倡奔于錢塘全
諷至廣陵諸將議曰昔先王攻趙鏗全諷屢饒給吳軍乃
釋不殺初全諷欲舉兵也錢鏐送王茂章于梁道過全諷
謂曰聞公欲大舉願見公兵以知濟否全諷陣兵與茂章
登城望之茂章曰我素事吳吳兵三等如公此眾可當其
下將爾非得益兵十萬不可而全諷卒以此敗八年徐溫
領昇州刺史治舟師於金陵宣州李遇自行密時為大將
勲位已高憤溫用事嘗曰徐溫何人吾猶未識而驟至於
此溫聞之怒遣柴再用以兵送王壇代遇且召之遇疑不
受命再用圍之隆演使客將何堯諭遇使自歸堯因說曰
公若欲反可殺堯以示眾若本無心何不隨堯以出遇自
以無反心乃隨堯出溫諷再用伺其出殺之并族其家九

年溫率將吏進隆演位太師中書令吳王溫為行軍司馬
鎮海軍節度使同中書門下平章事陳章攻楚取岳州執
其刺史苑攻十年越人攻常州徐溫敗之于無錫梁遣王
茂章攻壽春溫敗之于霍丘十二年封徐溫齊國公兩浙
都招討使始鎮潤州留其子知訓為行軍副使秉政而大
事溫遙決之冬濬揚林江水中出火可以燃十三年宿衛
將李球馬謙挾隆演登樓取庫兵以誅知訓陣于門橋知
訓與戰頻却朱瑾適自外來以一騎前視其陣曰此不足
為也因返顧一麾外兵爭進遂斬球謙而亂兵皆潰十四
年徐溫徙治金陵十五年遣王祺會洪表信三州兵攻虔
韶父之不克祺病以劉信代之夏四月副都統朱瑾殺徐
知訓瑾自殺潤州徐知誥聞亂率兵入殺唐宣諭使李儼

以止亂遂秉政徐氏之專政也隆演幼懦不能自持而知訓在凌侮之嘗飲酒樓上命優人高貴卿侍酒知訓爲參軍隆演鶉衣髻髻爲蒼鶻知訓嘗使酒罵坐語侵隆演隆演愧耻涕泣而知訓愈辱之左右扶隆演起去知訓殺吏一人乃止吳人皆反目知訓又與朱瑾有隙瑾已殺知訓携其首馳府中示隆演曰今日爲吳除患矣隆演曰此事非吾敢知遽起入內瑾忿然以首擊柱提劍而出府門已闔踰垣折其足遂自刎死米志誠聞瑾殺知訓被甲率其家兵至天興門問瑾所在聞瑾死乃還徐溫疑志誠助瑾遣使殺之嚴可求懼事不克使人僞從湖南境上來告軍捷召諸將入賀擒志誠斬之劉信克虔州執譚全播以歸十六年春二月溫率將吏請隆演即天子位不許夏四月

溫奉玉冊寶經尊隆演即吳王位建宗廟社稷設百官如天子之制改天祐十六年爲武義元年大赦境內追尊行密孝武王廟號太祖渥景王廟號烈祖拜溫大丞相都督中外諸軍事封東海郡王以徐知誥爲左僕射參知政事嚴可求爲門下侍郎駱知祥爲中書侍郎殷文圭沈顏爲翰林學士盧擇爲吏部尚書李宗陳璋爲左右雄武統軍柴再用錢鏐爲左右龍武統軍王令謀爲內樞使江西劉信征南大將軍鄂州李簡鎮西大將軍撫州李德誠平南大將軍廬州張宗安西大將軍海州王綰鎮東大將軍文武以次進位封宗室皆郡公溫之徒鎮金陵也以其養子知誥守潤州嚴可求嘗謂溫曰二郎君非徐氏子而推賢下士人望頗歸若不去之恐爲後患溫不能用其言及知

詰秉政其語世知詰出可求於楚州可求懼詰金陵見温
謀曰唐亡於今十二年而吳猶不敢改天祐可謂不負唐
矣然吳所以征伐四方而建基業者常以復興爲辭今聞
河上之戰梁兵屢繼若李氏復興其能屈節乎宜於此時
先建國以自立温深然之因留可求不遣方謀迫隆演僭
號二年五月隆演卒隆演少年嗣位權在徐氏及建國稱
制非其意常怏怏酣飲稀復進食遂至疾卒年二十四謚
曰宣弟溥立僭號追尊爲高祖宣皇帝陵曰肅陵

溥行密第四子也隆演建國封丹陽郡公隆演卒弟廬立
公蒙次當立而徐氏秉政不欲長君乃立溥七月改昇州
大都督府爲金陵府拜徐温金陵尹明年二月改元順義
赦境內冬十一月初天於南郊御天興樓大赦拜徐温太

師嚴可求右僕射三年唐莊宗滅梁遣司農卿盧蘋使于
唐嚴可求密條數事授之以行蘋見洛陽莊宗問之蘋次
第以對皆如所授四年溥至白沙閱舟師徐温來見以白
沙爲迎鑾鎮五年唐遣諫議大夫薛昭文使福州假道江
西劉信出勞之謂曰亞次聞有信否昭文曰天子新有河
南未熟公名也信曰漢有韓信吳有劉信君還其語亞次
當來較射於淮上也乃酌大卮望牙旗斂首自步謂昭文
曰一發而中願以此卮爲壽否則亦以自罰言訖而箭已
穿矣六年追爵大丞相徐温四代祖考立廟於金陵左僕
射徐知詰爲侍中右僕射嚴可求同平章事是歲莊宗崩
五月丁卯詔爲同光王輟朝七日七年大丞相徐温率吳
文武上表勸溥即皇帝位溥未許而温病十月温卒十月

庚戌溥御文明殿即皇帝位改元曰乾貞大赦境內追尊
行密武皇帝溥景皇帝隆演宣皇帝以徐知誥為太尉兼
侍中拜溫子知詢輔國大將軍金陵尹治溫舊鎮諸子皆
封王二年正月封東海為廣德王江濱廣源王淮濱長源
王馬當上水府寧江王采石中水府定江王金山下水府
鎮江王六月荆南高季興來附封季興秦王九月季興敗
楚師於白田獲其將吏三十四人來獻三年十一月金陵
尹徐知詢來朝知誥誣其有反狀留之不遣以為左統軍
斬其客將周祥望以徐知諤為金陵尹溥加尊號睿聖文
明孝皇帝大赦境內改元大和以徐知誥為中書令二年
冊其子江都王璉為太子三年以徐知誥為金陵尹以其
子景通為司徒及左僕射王令謀右僕射宋齊丘皆平章

事四年封知誥東海王五年建都於金陵六年閏正月金
陵火罷建都廢臨川王濛為歷陽公知誥遣親信王宏以
兵守之拜王令謀司徒宋齊丘司空知誥召景通還金陵
為鎮海軍節度副使以其子景遷為大保平章事與令謀
等執政七年九月溥加尊號曰睿聖文明光孝應天弘道
廣德皇帝大赦改元天祚知誥進位太師天下兵馬大元
帥封齊王二年景遷病以次子景遂為門下侍郎參政事
三年知誥建齊國立宗廟社稷置左右丞相已下以金陵
為西都廣陵為東都冬十月溥遣江夏王麟奉冊禪位於
齊王十二月溥卒於丹陽年三十八謚曰睿昇元六年李
昇遷其子孫於海陵號末寧宮嚴兵守之絕不通人久而
男女自為匹偶吳人多哀憐之顯德三年世宗征淮南下

詔撫安楊氏子孫而李昇聞之遣人盡殺其族周先鋒都
部署劉重進得其玉硯馬腦斃翠瓶以獻楊氏遂絕
徐溫字敦美海州朐山人也少以販鹽爲盜行密起合肥
以隸帳下行密所與起事劉城陶雅之徒號二十六英雄
獨溫未嘗有戰功及行密欲殺朱廷壽等溫用其客屬
求謀教行密陽爲目疾事成以功遷右衛指揮使始預謀
議及行密病平生舊將皆以戰守在外而溫居帳下遂預
立澤之功及弒澤又與張顥有隙使鍾章殺之章許諾選
壯士三十人椎牛享之刺血爲盟溫猶疑章不果夜半使
人探其意陽謂曰溫有老母懼事不成不如且止章曰言
已出口寧可已乎溫乃安明日鍾章殺顥溫因盡殺紀祥
等歸弒澤之罪於顥以其事入白澤母史氏史氏悼而立

曰吾兒年幼禍亂若此得保百口以歸合肥公之惠也隆
演立溫遂專政遷昇州刺史治舟師於金陵大將李遇怒
溫用事出嫚言溫使柴再用族遇於宣州行密舊將人人
皆自疑溫因爲下之恭謹如見行密諸將乃安八年溫遷
行軍司馬潤州刺史鎮海軍節度使同平章事十年遣招
討使李濤攻越戰于臨安裨將曹筠奔于越濤敗被執溫
間遣人語筠曰吾用汝爲將汝軍有求吾不能給是吾過
也赦筠妻子不誅厚遇之秋越人攻毗陵溫戰于無錫筠
感溫前言臨陣奔歸遂敗越兵十二年封溫齊國公兼兩
浙招討使始就鎮潤州以昇潤宣常池黃六州爲齊國溫
城昇州建大都督府十四年徙治之以其子知訓輔隆演
於廣陵而大事溫遙決之知訓爲朱瑾所殺溫養子知誥

自潤州先入遂得政溫雖姦詐多疑而善用將吏江西劉
信園虔州久不克使人說譚全播出降遣使報溫溫怒曰
信以十倍之衆攻一城不下而反用說客降之何以威敵
國咎其使者而遣之曰吾以答信也因命濟師遂破全播
人有誣信逗留陰縱全播言信將反者信聞之因自獻捷
至金陵見溫溫與信博信斂骰子厲聲祝曰劉信欲背吳
願為惡彩苟無二心當成渾花溫遽止之一擲六子皆赤
溫慙自以卮酒飲信然終疑之及唐師伐王衍溫急召信
至廣陵以為左統軍託以內備遂奪其地溫客尤見信者
惟駱知祥嚴可求可求善籌畫知祥長於財利溫嘗以軍
旅問可求國用問知祥吳人謂之嚴駱溫亦自喜為智詐
左得吳人之心初隨行密破趙鏗諸將皆爭取金帛溫獨

據餘困作粥以食餓者十六年溫請降演即皇帝位不許
又請即吳王位乃許遂建國改元拜溫大丞相都督中外
諸軍事封東海郡王隆演卒溫越次立其弟溥順義十年
溫又請溥即皇帝位溥未許而溫病卒年六十六追封齊
王謚曰忠武李昇僭號號溫為義祖

嗚呼盜亦有道信哉行密之書稱行密為人寬仁雅信能
得士心其將蔡儔叛於廬州悉毀行密墳墓及儔敗而諸
將皆請毀其墓以報之行密嘆曰儔以此為惡吾豈復為
邪嘗使從者張洪負劍而侍洪拔劍擊行密不中洪死復
用洪所善陳紹負劍不疑又嘗罵其將劉信信忿奔孫儒
行密戒左右勿追曰信豈負我者邪其醉而去醒必復來
明日果來行密起於盜賊其下皆驍武雄暴而樂為之用

者以此也故二世四主垂五十年及渥已下政在徐温於此之時天下大亂中國之禍篡弒相尋而徐氏父子區區詐力裴回三主不敢輕取之何也豈其因威亦有在人者

歐陽脩撰徐無黨注明文盛高潑傳汝舟校

五代史記卷第六十一

五代史記卷第六十二

南唐世家二

宋歐陽脩撰徐無黨注明文盛高潑傳汝舟校

李昇字正倫徐州人也世本微賤父榮遇唐末之亂不知其所終昇少孤流寓豪泗間楊行密攻濠州得之奇其狀貌養以為子而楊氏諸子不能容行密以乞徐温乃冒姓徐氏名知誥及壯身長七尺廣額隆準為人温厚有謀為吳樓船軍使以舟兵屯金陵柴再用攻宣州用其兵殺李遇昇以功拜昇州刺史時江淮初定州縣吏多武夫務賦歛為戰守昇獨好學接禮儒者能自勵為勤儉以寬仁為政民稍譽之徐温鎮潤州以昇池等六州為屬温聞昇理昇州有善政往視之見其府庫充實城壁脩整乃徙治之而遷昇潤州刺史昇初不欲往屢求宣州温不與既而徐

知訓為朱瑾所殺温居金陵未及聞昇居潤州近廣陵得先聞即以州兵渡江定亂遂得政昇事徐温甚孝謹嘗罵其諸子不如昇諸子頗不能容而知訓尤甚嘗召昇飲酒伏劔士欲害之行酒吏刁彦能覺之酒至昇以手爪搯之昇悟起走乃免後昇自潤州入覲知訓與飲於山光寺又欲害之徐知諫以其謀告昇昇起趨去知訓以劔授刁彦能使追殺之及於中途而還給以不及由是得免後昇貴以彦能為撫州節度使知訓之用事也嘗凌弱楊氏而驕侮諸將遂以見殺及昇秉政欲收人心乃寬刑法推因信起延賓亭以待四方之士引宋齊丘駱知祥王令謀等為謀客士有羈旅於吳者皆齒用之嘗陰使人察視民間有婚喪賈乏者往往賙給之盛暑者未嘗張蓋操扇左右

進蓋必却之曰士衆尚多且少露我何用此以故温雖遙秉大政而吳人頗已歸昇武義元年拜左僕射參知政事温行軍司馬徐玠數勸温以己子代昇温遣子知詢入廣陵謀代昇秉政會温病卒知詢奔還金陵玠反為昇謀誣知詢以罪斬其妾將周廷望以知詢為右統軍楊溥僭號拜昇太尉中書令大和三年出鎮金陵如温之制留其子景通為司徒同平章事以王令謀宋齊丘為左右僕射同平章事四年封昇東海郡王昇照鑑見白髮須顧其事周宗嘆曰功業已就而吾老矣奈何宗知其意馳詣廣陵見宋齊丘謀禪代齊丘以為未可請斬宗以謝吳人昇默宗為池州刺史吳臨江王蒙者死徐氏捨己而立溥心嘗不平及昇將謀篡國先廢濠為歷陽公使吏以兵守之濠殺守者

五代史卷之十一
唐高祖本紀
奔廬州節度使周本本出舊將也聞濛至欲納之為其子
祚所止本曰此吾故主家即君也何忍拒之濛自出迎濛
祚閉門濛本不得出縛濛送金陵見殺五年昇封齊王已
而閩越諸國皆遣使勸進昇謂人望已歸天祚三年建齊
國置宗廟社稷以宋齊丘徐玠為左右丞相十月溥遣攝
太尉楊璘傳位於昇國號齊改元昇元昇以冊尊溥曰受
禪老臣知誥謹上冊皇帝為高尚思玄弘古讓皇帝遣尊
徐溫為忠武皇帝封子景為吳王封徐氏子知證江王知
諤饒王周本與諸將至金陵勸進歸而嘆曰吾不能誅篡
國者以報楊氏今老矣豈能事二姓乎憤惋而死二年四
月遷楊溥於潤州丹陽宮以王輿為浙西節度使馬思讓
為丹陽宮使以嚴兵守之徐氏諸子請昇復姓昇謙抑不

敢忘徐氏因下其議百官百官皆請然後復姓李氏改名
曰昇自言唐憲宗子建王恪生超超生志為徐州判司志
生榮乃自以為建王四世孫改國號曰唐立唐高祖太宗
廟追尊四代祖恪為孝靜皇帝廟號定宗曾祖超為孝平
皇帝廟號成宗祖志孝安皇帝廟號惠宗考榮孝德皇帝
廟號慶宗奉徐溫為義父徐氏子孫皆封去公女封郡縣
主以門下侍郎張居詠中書侍郎李建勳右僕射張延翰
同平章事十一月以步騎八萬講武於銅槁楊溥卒於丹
陽宮溥子璉為吳太子時昇以女妻之及昇篡國封其女
永興公主女聞人呼公主必悲咽流涕而辭宮中皆憐之
溥卒以璉為康化軍節度使已而以疾卒三年四月昇郊
祀昊天上帝於圓丘禮畢群臣請上尊號昇曰尊號非古

五十五
也不許州縣言民孝悌五代同居者七家皆表門閭復其
繇後其尤盛者江州陳氏宗族七百口每食設廣席長幼
以次坐而共食有畜犬百餘共一牢食一犬不至諸犬為
之不食四年六月晉安州節度使李金全叛送款于昇昇
遣鄂州屯營使李承裕迎之承裕與晉將馬全節安審暉
戰安陸南三戰皆敗承裕與裨將段處恭皆死都監杜光
鄴及其兵五百人被執送于京師高祖厚賜之遣還昇致
書高祖復送光鄴等請以敗軍行次高祖又遣之昇以甲
士臨淮拒之乃止六年吳越國火焚其宮室府庫甲兵皆
盡群臣請乘其弊攻之昇不許遣使弔問厚賜其乏錢
氏自吳特素為敵國昇見天下亂又嘗厭用兵及將篡國
先與錢氏約和歸其所執將士錢氏亦歸吳敗將遂通好

絕昇客馮延巳好論兵大言嘗謂昇曰田舍翁安能成大
事而昇志在守吳舊地而已無復經營之略也然吳人亦
賴以休息七年昇卒年五十六謚曰光文肅武孝高皇帝
廟號烈祖陵曰永陵子景立

景初名景通昇長子也既立又改名璟徐溫死昇專政以
為兵部尚書參知政事明年昇鎮金陵留景為司徒同平
章事與宋齊丘王令謀居廣陵輔揚溥昇將篡國召景歸
金陵為副都統昇立封齊王昇卒嗣立改元保大尊母宋
氏為皇太后妃鍾氏為皇后封弟壽王景遂為燕王宣城
王景達為鄂王景湯前未王為保寧王秋改封景遂齊王
諸道兵馬元帥太尉中書令景達為燕王副元帥盟於昇
極前約兄弟世世繼立封其子冀南昌王江都尹冬十月

破虔州妖賊張遇賢遇賢循州羅縣小吏也初有神降羅縣民家與人言禍福輒中遇賢禱之神曰遇賢是羅漢可留事我是時南海劉龍其死子玠初立嶺南盜賊起群盜干餘人未有所統問神當為主者神言遇賢遂共推為帥遇賢自號中天八國王改元永樂置官屬群賊盜皆絳衣攻剽嶺外問神所嚮神曰當過嶺取虔州遂襲南康節度賈浩不能禦遇賢據白雲洞造宮室有衆十餘萬連陷諸縣景遣洪州營屯虔候嚴思通事令吳邊鎬率兵攻之遇賢問神神不復語群盜皆懼遂執遇賢以降景以馮延巳常夢錫為翰林學士馮延巳曾為中書舍人陳覺為樞密使魏岑查文徽為副使夢錫直宣政殿專掌密命而延巳等皆以邪佞用事吳人謂之五鬼夢錫屢言五人者不可用景

不納十二月景下令中外庶政委悉王景遂參決惟陳覺查文徽得奏事群臣非召見者皆不得入給事中蕭儼上疏切諫不報侍衛軍都虞候賈崇誚問求見景曰臣事先朝三十年見先帝所以成功業者皆用衆賢之謀故延接踈遠未嘗壅隔然下情猶時有不達者今陛下新即位所信用者何人柰何頃與臣下隔絕臣老即死恐無復一見顏色因泣下嗚咽景為之動容引與坐賜食而慰之遂寢所下令初宋齊丘為昇謀篡楊氏最有力及事成乃陽入九華山昇屢招之乃出昇僭號未幾齊丘以病罷相出為洪州節度使景立復召為相而陳覺魏岑等皆為齊丘所引用而岑與覺有隙諸覺於景左遷少府監齊丘亦罷相為浙西節度使齊丘不得意願復歸九華山賜號九華先

生封青陽公良青陽一縣二年二月閩人連重遇朱文進弒其君王延義文進自立是時延義弟延政亦自立於建州國號殷王氏兄弟連兵累年間大亂景因其亂遣查文徽及待詔臧循發兵攻建州延政聞唐且攻之遣人給福州曰唐兵助我討賊矣福州信之共殺文進等以降延政遣其從子繼昌守福州文徽軍屯建陽福州將李仁達殺王繼昌自稱留後泉州將留從効亦殺其刺史黃紹頰皆送款於文徽四年八月文徽乘勝克建汀泉漳四州景分延平劍浦富沙三縣置劍州遷王延政之族于金陵以延政為饒州節度使李仁達為福州節度使從効為清源軍節度使景遂欲罷兵而查文徽陳覺等皆言仁達等餘孽猶在不若乘勝盡取之陳覺自言可不用尺兵致仁達等

景以覺為宣諭使召仁達朝金陵仁達不從覺慙還至建州矯命發汀建信撫州兵攻仁達時魏岑安撫漳泉聞覺起兵亦擅發兵會覺景大怒馮延巳等為言兵業行不可止乃以王崇文為招討使王建封為副使益兵以會之以延會魏岑陳覺皆為監軍使仁達送款於吳越吳越以兵三萬應仁達覺等爭功進退不相應延會與吳越兵先戰大敗而走諸軍皆潰歸景怒遣使者鎖覺延會至金陵而馮延巳方為宰相宋齊兵復自九華召為太傅為稍解之乃流覺斬州延會舒州韓熙載上書切諫請誅覺等奏宜惡之貶熙載和州司馬是歲契丹陷京師中國無主而景方以覺等疲兵東南不暇北顧御史中丞江文蔚劾奏宰相馮延巳諫議大夫魏岑亂政與覺等同罪而不見貶黜

言其切直景大怒自荅其疏貶文蔚江州司士參軍亦罷
延巳為少傅岑為太子洗馬五年以景遂為太弟景達為
元帥封齊王南昌王巢為副元帥封燕王契丹遣使來聘
以兵部尚書賈潭報聘六年漢李守貞反河中遣其客將
朱元來求援景以潤州節度使李金全為北面行營招撫
使兵攻沐陽聞守貞已敗乃還是時漢隱帝少中國衰弱
淮北羣盜多送款於景景遣皇甫暉出海泗諸州招納之
八年福州詐言吳越戍兵亂殺李仁達而逃遣人請建州
節度使查文徽文徽與劍州刺史陳誨下舟閩江趨應之
福州以兵出迎誨曰閩人多詐難信宜駐江岸徐圖之文
徽曰久則生變乘其未定亟取之留誨屯江口進至西門
伏兵發文徽被擒誨與越人戰大敗之獲其將馬先進景

送先進還越越亦歸景文徽是歲楚王馬希廣為其弟希
萼所弒希萼自立九年秋楚人因希萼於衡山立其弟希
崇附于景楚國大亂景遣信州刺史邊鎬攻楚破潭州盡
遷馬氏之族于金陵景以希萼為洪州節度使希崇舒州
節度使以邊鎬為湖南節度使十年分洪州高安清江萬
載上高四縣置筠州以馮延巳孫忠為左右僕射同平章
事廣州劉晟乘楚之亂取桂管景遣將軍張繹出兵爭之
不克楚地新定其府庫空虛宰相馮延巳以克楚為功不
欲取費於國乃重斂其民以給軍楚人皆怨而叛其將劉
言攻邊鎬鎬不能守逃歸十一年金陵大火踰月十二季
大饑民多疫死十三年十一月周師南征詔曰秦蠶爾淮南
敢拒大邦次血據一方僭稱偽號晉漢之代寰海未寧而乃

招納叛亡朋助兇逆金全之據安陸守貞之叛河中大起
師後來為應援迫奪閩越涂炭湘潭至於應接慕容馮陵
徐部沐陽之後曲直可知勾誘契丹入為邊患結連并壘
實我世讎罪惡難名人神共憤乃拜李穀為行營都部署
攻自壽州始是時宋齊丘為洪州節度使景召齊丘還金
陵以劉彥貞為神武統軍劉仁贍為清淮軍節度使以距
周師李穀曰吾無水戰之具而使淮兵斷正陽浮橋則我
背腹受敵乃焚其萬糧退屯正陽是時世宗親征行至圍
鎮聞穀退軍曰吾軍却唐兵必追之遣李重進急趨正陽
曰唐兵且至宜急擊之劉彥貞等聞穀退軍果以為怯急
追之比及正陽而重進先至軍未及食而戰彥貞等遂敗
彥貞之兵施利刃於拒馬維以鐵索又刻木為獸號捷馬

牌以皮囊布鐵葉紮于地周兵見而知其怯一鼓敗之世
宗營于淝水之陽徙浮橋于下蔡景遣林仁贍等爭之不
得而周師取滁州景懼遣泗州牙將王知朗至徐州稱唐
皇帝奉書願効首賦陳兄事之禮世宗不答景東都副留
守馮延魯光州刺史張紹舒州刺史周祚泰州刺史方訥
皆弃城走延魯削髮為僧為周兵所獲斬州裨將李福殺
其刺史王承雋降周景益懼始改名景以避周廟諱遣其
翰林學士鍾謨文理院學士李德明奉表稱臣獻犒軍牛
五百頭酒二千石金銀羅綺數千請割壽濠泗楚光海六
州以求罷兵世宗不報今兵饑下楊恭景遣人懷蠟丸書
走契丹求救為邊將所執尤州刺史張承翰降周十四年
三月景又遣司空孫晟禮部尚書王崇質奉表辭去單服

世宗猶不答前遣鍾謨等并晟崇所質皆留行在而謨等請
歸取景表盡獻江北地世宗許之遣崇質德明等還始賜
景書曰自有唐失御天步方艱六紀于茲瓜分鼎峙自為
聲教各擅蒸熬交結四夷憑陵上國華風不競否運所鍾
凡百有心孰不興憤朕擅二百州之富庶握三十萬之甲
兵農戰交脩士卒樂用苟不能恢復內地申畫邊疆便議
班旋真同戲劇至扞削否尊稱顏輸臣節孫權事魏蕭登
奉周古也雖然今則不取但存帝號何爽歲寒儻事大
之心必不迫人於險德明等還成稱世宗英武景未悅宋
齊丘陳覺等皆以割地無益而德明責國以圖利景怒斬
德明遣元帥齊王景達與陳覺還鎬許文鎮率兵趣壽春
景達將朱元等復得舒蕲泰三州夏大雨周師在楊除和

者皆却諸將請要其險隘擊之宋齊丘曰擊之怨深不如
縱之以為德誠諸將閉壁無得要戰故周師皆集於壽州
世宗屯於渦口欲再幸揚州宰相范質以師老泣諫乃班
師以季重進攻廬壽尚訓守揚州訓請奔揚州併力以攻
壽春乃封府庫付主者置景舊將按巡城中秋毫不犯而
去淮人大悅皆負糗糧以送周師十五年景達遣朱元等
屯紫金山築甬道以餉壽州二月世宗復南征徙下蔡浮
橋于渦口為鎮淮軍築二城以夾淮周師連破紫金山諸寨
景達雖為元帥而兵事皆失於陳覺覺與朱元素有隙以
元素守貞客反覆難信景遣大將楊守忠代元且召之元
憤怒叛降于周諸軍皆潰許文鎮邊鎬皆被執景達以舟
兵奔還金陵劉仁瞻病且死其副使孫羽等以壽州降于

周世宗班師景遣人焚揚州驅其士庶而去冬十月世宗復南征遂圍濠州濠州刺史郭廷謂告于周曰臣不能守一州以抗王師然願請命于唐而後降世宗謂之緩攻廷謂遣人請命于景景許其降乃降又取泗州周師步騎數萬水陸齊進軍士作檀棗之歌聲聞數十里十二月屯于楚州之北門交泰元年正月大赦改元周師攻楚州守將張彥卿鄭昭業城守甚堅攻四十日不可破世宗親督兵以洞屋穴城而焚之城壞彥卿昭業戰死周兵怒甚殺戮殆盡周師復取海泰揚州世宗幸迎鑾以臨大江景知不能支而耻自屈身去其名號乃遣陳覺奉表請傳國與其世子而聽命初周師南征無水戰之具已而屢敗景兵獲水戰卒乃造戰艦數百艘使降卒教之水戰命王環將以

下淮景之水軍多敗長淮之舟皆為周師所得又造齊雲舡數百艘世宗至楚州北神堰齊雲舟大不能過乃開老鵠河以通之遂至大江京初自恃水戰以周兵非敵且未能至江及覺奉使見舟師列于江次甚盛以為自天而下乃請曰臣願還國取景表盡獻江北諸州如約世宗許之始賜景書曰皇帝恭問江南國主勞其良苦而已是時楊泰滁和壽濠泗楚光海等州已為周得業遂獻廬舒蘄黃畫江以為界五月景下令去帝號稱國主奉周正朔特顯德五年也初孫晟使于周留不遣而世宗問晟江南虛實不對世宗怒殺晟周已罷兵景乃贈劉仁贍太師追封晟魯國公世宗遣鍾謨馮延魯歸國景復遣謨等朝京師手自書表稱天地父母之恩不可報又請降詔書同藩鎮遣

謨面陳頊傳位世子世宗遣謨等還國優詔以勞安之景
以謨為禮部侍郎延魯戶部侍郎景為太子時延魯等皆
出入東宮禮部尚書常夢錫自昇世屢言不可使延魯等
近太子及景立延魯等用事夢錫每排斥之景既割地稱
臣有語及朝廷為大朝者夢錫大咲曰君等嘗欲致君如
堯舜今日自為小朝邪鍾謨素善李德明既歸而聞德明
由宋齊兵等見殺欲報其冤未能發陳覺齊兵黨也與景
相嚴續素有嗜覺常奉使周還言世宗以江南不即聽命
者嚴續之謀勸景誅續以謝罪景疑之謨因請使于周驗
其事景已割地稱臣乃遣謨入朝謝罪言不即割地者非
續謀頊赦之世宗大驚曰續能為謀是忠其主也朕豈殺
忠臣乎謨還言覺姦詐景怒流覺饒州殺之宋齊兵坐覺

黨與放還青陽賜死以大弟景遂為洪州節度使燕王與
為太子景困於用兵鍾謨請鑄大錢以一當十文曰永通
泉貨謨嘗得罪而大錢廢韓熙載又鑄鐵錢以一當二九
月太子與卒次子從嘉封吳王居東宮鍾謨言從嘉輕肆
請立紀國公從善景怒貶謨國子司業立從嘉為太子世
宗使人謂景曰吾與江南大義已定然慮後世不能容汝
可及吾世修城隍治要害為子孫計景因營緝諸城謀遷
其都于洪州群臣皆不欲遷惟樞密使唐錡贊之乃升洪
州為南昌建南都建隆二年留太子從嘉監國景遷于南
都而洪州迫隘宮府營廨皆不能容群臣日夕思歸景悔
怒不已唐錡慙懼發疾卒六月景卒年六十四從嘉嗣立
以喪歸金陵遣使入朝頊復景帝號太祖皇帝許之乃謚

曰明道崇德文宣孝皇帝廟號元宗陵曰順陵
煜字重光初名從嘉景弟六子也煜為人仁孝善屬文工
書畫而豐額駢齒一目重瞳子自太子與已上五子皆早
亡煜以次封吳王建隆二年景遷南都立煜為太子留監
國景卒煜嗣於金陵母鍾氏父名泰章煜尊母曰聖尊
后立妃周氏為國后封弟從善韓王從益鄭王從謙眞春
王從度昭平郡公從信文陽郡公大赦境內遣中書侍郎
馮延魯修貢于朝廷令諸司四品已下無職事者日一貢
待制於內殿五年泉州留從効卒景之稱臣於周也從効
亦奉表貢獻于京師世宗以景故不納從効聞景遷洪州
懼以為龍舌已遣其子紹基一納貢于金陵而從効病卒泉人
因并送其族于金陵推立副使張漢思漢思老不任事州

人陳洪進逐之自稱留後煜即以洪進為節度使乾德二
年始用鐵錢民間多藏匿舊錢舊錢益少商賈多以十鐵
錢易一銅錢出境官不可禁煜因下令以一當十拜韓熙
載中書侍郎勤政殿學士封長子仲遇清源公次子仲儀
宣城公五年命兩省侍郎給事中中書舍人集賢勤政殿
學士及夕於光政殿宿直煜引與談論煜嘗以熙載盡忠
能直言欲用為相而熙載後房妓妾數十人多出外舍私
侍賓客煜以此難之左授熙載右庶子分司南都熙載盡
斥諸妓單車上道煜喜留之復其位已而諸妓稍稍復還
煜曰吾無如之何矣是歲熙載卒煜嘆曰吾終不得熙載
為相也欲以平章事贈之問前世有此比否群臣對曰昔
劉穆之贈開府儀同三司遂贈熙載平章事熙載北海將

家子也初與李穀相善明宗時熙載南奔吳穀送至正陽酒酣臨訣熙載謂穀曰江左用吾為相當長驅以定中原穀曰中國用吾為相取江南如探囊中物爾及周師之征淮也命穀為將以取淮南而熙載不能有所為也開寶四年煜遣其弟韓王從善朝京師遂留不遣煜手疏求從善還國太祖皇帝不許煜嘗快快以國處為憂日與臣下酣宴愁思悲歌不已五年煜下令貶損制度下書稱教改中書門下省為左右內史府尚書省為司會府御史臺為司憲府翰林為文館樞密院為光政院諸王皆為國公以尊朝廷煜性驕侈好聲色又喜浮圖高談不恤政事六年內史舍人潘佑上書極諫煜收下獄佑自縊死七年太祖皇帝遣使召煜赴闕煜稱疾不行王師南征煜遣徐鉉周惟

簡等奉表朝廷求緩師不答八年十二月王師克金陵九年煜俘至京師太祖赦之封煜違命侯拜左千牛衛將軍其後事具國史予世家江南其故老多能言李氏時事云太祖皇帝之出師南征也煜遣其臣徐鉉朝于京師鉉居江南以名臣自負其來也欲以口舌馳說存其國其日夜計謀思慮言語應對之際詳矣及其將見也大臣亦先入請言鉉博學有材辨宜有以待之太祖笑曰弟亦非爾所知也明日鉉朝于廷仰而言曰李煜無罪陛下師出無名太祖徐召之升使畢其說鉉曰煜以小事大如子事父未有過失柰何見伐其說累數百言太祖曰爾謂父子者為兩家可乎鉉無以對而退嗚呼大哉何其言之簡也蓋王者之興天下必歸于一統其可來者來之不可者伐之僭

偽假竊期於掃蕩一平而後已予讀周世宗征淮詔恠其區區攬據前事務較曲直以為辭何其小也然世宗之英武有足喜者豈為其辭者之過歟據湯挽所撰江南錄云景交泰是歲盡獻淮南十四州畫江為界保大十五年正月改元也按五代舊史及世宗實錄顯德四年十月壬申世宗方復南征五年正月丙午始克楚州二月己亥景始盡獻淮南諸州畫江為界當是保大十六年也悅等南唐故臣記其目見之事向其差繆而九國志紀年通譜之類但以挽書為正不復參較遂皆差一年至於景滅閩國是保大四年江南錄書於三年亦差一年已見閩世家注或疑景立踰年而改元則滅閩國當為三年周取淮南當為十五年不差但江南錄誤於景立之年改元保大所以常差一年也今知不然者以諸書參較閩人殺王延義當晉開運元年周師始伐南唐當顯德二年據景以初立之年即改元則開運元年為保大二年顯德二年為保大十三年今江南錄書延義被殺於二年周師始伐於十三年則是景立之年改元不誤而悅等書滅王氏割淮南自各差二年亦昇自晉天福二年建國至皇朝開寶八年國滅凡三十九年

五代史記卷第六十二

五代史記卷第六十二 前蜀世家三

宋歐陽脩撰徐無黨注明汪文盛高濂傳汝舟校

王建字光圖許州舞陽人也為人隆眉廣額狀貌偉然少無賴以屠牛盜鹽販私鹽為事里人謂之賊王八後為忠武軍卒稍遷隊將黃巢陷長安僖宗在蜀忠武軍將鹿晏弘以兵八千屬楊復光討賊巢敗走復光以其兵為八都都將千人建與晏弘皆為一都頭復光死晏弘率八都頭迎僖宗于蜀所過剽略行至興元逐節度使牛勣自稱留後僖宗即以晏弘為節度使晏弘以建等八都頭皆領屬州刺史已而晏弘擁眾東歸陷陳許建與晉暉韓建張造李師泰等各率一都西奔于蜀僖宗得之大喜號隨駕五都以屬十軍觀軍容使田令孜令孜以建等為養子僖宗還

長安使建與晉暉等將神策軍宿衛光啓元年河中王重
榮與令孜爭鹽池重榮召晉兵犯京師僖宗幸鳳翔二
年三月移幸興元以建為清道使使負王璽以從行至當
塗驛李昌符焚棧道棧道幾斷建控僖宗馬冒煙燭中過
宿坂下僖宗枕建膝寢既覺涕泣解御衣賜之僖宗已至
興元令孜以謂天子播越由已致之懼且得罪西川節度
使陳敬瑄令孜同母弟也令孜因求為西川監軍揚復恭
代為軍容使復恭出建為驛州刺史建乃招集亡命及溪
洞夷落有衆八千以攻閬州執其刺史揚行遷又攻利州
利州刺史王珙棄城走敬瑄患之以問令孜令孜曰王八
五兒也以一介召之可置麾下乃使人招建東川顧彥朗
與建有舊建聞令孜召已大喜因至梓州謂彥朗曰十軍

阿父召我我欲至成都見陳公以求一鎮即以其家屬託
彥朗選精兵二千馳之成都行至鹿頭關敬瑄悔召建使
人止之建大怒擊破鹿頭關取漢州彥朗聞之出兵助建
軍于學射敬瑄遣將句惟立逆建擊敗之遂攻彭州敬瑄
遣眉州刺史山行章將兵五萬屯新繁建又擊敗之虜獲
萬餘人橫尸四十里敬瑄發兵七萬益行章與建相持蒙
陽新都百餘日昭宗遣左諫議大夫李洵為兩川宣諭和
協使詔彥朗等罷兵彥朗請以大臣鎮蜀因為建求旌節
文德元年六月以宰相韋昭度為西川節度使分邛蜀黎
雅為永平軍拜建節度使敬瑄不受代昭宗即命昭度將
彥朗等丘討之昭宗以建為招討牙內都指揮使久之不
克建為昭度曰公以數萬之衆困兩川之人而師又無功

奈何且唐軍多故東方諸鎮兵接都畿公當歸相天子靜
中原以固根本此蠻夷之國不足以留公昭度遲疑未決
建遣軍士擒昭度親吏於軍門鬻而食之建入白曰軍士
饑須此為食爾昭度大恐即留符節與建而東昭度已去
建即以兵扼劔門兩川由是阻絕山行章屯廣都建擊敗
之行章走眉州以州降建引兵攻成都而資簡戎茂喜
叩諸州皆殺刺史降建建攻成都甚急田令孜登城呼建
曰老夫與公相厚何憊而至此建曰軍容父子之恩心何
可忘然兵討不受代者天子命也令孜夜入建軍以節度
觀察牌印授建明日敬瑄開門迎建建將入城以張勅為
都虞候戒其軍士曰吾以張勅為虞候矣汝等無犯其令
幸勅執而見我我尚活汝使其殺而後白吾亦不能詰也

建入城軍士剽略劫殺百人而後止建遷敬瑄于雅州使
殺之復以令孜為監軍既而亦殺之天順二年十月唐以
建為檢校司徒成都尹劔南西川節度副大使知節度事
管內觀察處置雲南八國招撫等使東川節度郎卒其弟
彥暉立唐遣宦者宗道弼賜彥暉東川旌節縣州刺史常
厚執道弼以攻梓州建遣李簡王宗滌等討厚厚自彥朗死
建欲圖并東川而未有以發及李簡等討厚厚曰兵已破
厚彥暉必出犒師即與俱來無煩吾再舉也簡等擊厚敗
之鍾陽厚走還縣州以唐旌節還道弼而出之彥暉已得
節辭疾不出犒軍乾寧二年建遣王宗滌攻之十二月宗
滌敗彥暉于楸林斬其將羅璋遂圍梓州三年五月昭宗
遣宦者袁易簡詔建罷兵建收兵還成都黔南節度使

王肇以其地降于建四年宗將復攻東川別遣王宗侃宗
阮等出峽取渝瀘州五月建自將攻東川昭宗遣諫議大
夫李洵判官韋莊宣諭兩川詔建罷兵建不奉詔乃責授
建南州刺史以郊王為鳳翔節度使徙李茂貞代建為西
川節度使茂貞拒命乃復建官爵冬十月建攻破梓州
瑒自殺瑒暉將顧彦瑤顧城已危謂諸將吏曰事公當生
死必之指其所佩寶鐵劍曰事急而有叛者當齒此劍及
城將破彦瑤與瑒暉召集將吏飲酒遂與之俱死建以王
宗將為東川留後唐即以宗將為節度使於是并有兩川
之地是時鳳翔李茂貞兼據梁洋秦隴數以兵侵建天復
元年梁太祖兵誅宦者韓全誨等劫天子幸鳳翔梁兵圍
之茂貞閉城距守經年力窘求與梁和建聞遣人聘茂貞

許以出兵為援勸其堅壁勿和遣王宗將將兵五萬聲言
迎駕以攻興元執其節度使李繼業而武定節度使拓拔
思敬遂以其地降于建於是并有山南西道是時荆南成
內死襄州趙匡疑遣其弟匡明襲據之建乘其間攻下夔
施忠萬四州三年八月唐封建蜀王四年唐遷都洛陽改
元天祐建與唐隔絕而不知故仍稱天復天復六年又取
歸州於是并有三峽七年梁滅唐遣使者諭建建拒而不
納建因馳檄四方會兵討梁四方知其非誠實皆不應是
歲正月巨人見青城山六月鳳凰見萬歲縣黃龍見嘉陽
江而諸州皆言甘露白鹿白雀龜龍之瑞秋九月巳亥建
乃即皇帝位封其諸子為王以王宗吉為中書令韋莊為
左散騎常侍判中書門下事唐襲為樞密使鄭騫為御

史中丞張格王錯為翰林學士周博雅為成都尹蜀恃險而富當唐之末人士多欲依建以避亂建雖起盜賊而為人多智詐善待士故其僭號所用皆唐名臣世族莊見素之孫格濬之子也建謂其左右曰吾為神策軍將時宿衛禁中見天子夜召學士出入無間恩禮親厚如寮友非將相可比也故建待格等恩禮尤異其餘宋玘等百餘人並見信用武成元年正月祀天南郊大赦改元以王宗信為太師宗信本姓甘氏建為忠武軍卒時掠得之養以為子後以軍功累遷武信軍節度使後建所生子元懿等稍長宗信以養子心不自安與鄭騫等謀求為大司馬撓六軍開元帥府凡軍事便宜行而後聞建以宗信創業功多優容之唐襲本以舞僮見幸於建宗信尤易之後為樞密使

猶名呼襲襲雖大恨而外奉宗信愈謹建聞之怒曰宗信名呼我樞密使是將反邪宗信求大司馬章三上建以問襲襲因激怒建曰宗信功臣其威望望可以服人心陛下宜即與之建心益疑宗信入奏事自請不已建叱衛士撲殺之并賜寢寃六月以遂王宗懿為皇太子建加尊號英武睿聖皇帝七月驕虞自武定二年頒永昌曆廣都嘉禾合穗三年八月有龍五十見洵陽水中十月麟見驛州十二月大赦改明年為永平元年岐王李茂貞自為梁所圍而山南入于蜀地狹勢孤遂與建和以其子娶建女因求山南故地建怒不與以王宗侃為北路都統宗佐宗加負唐襲為三面招討使以攻岐戰于青泥宗侃敗績退保西縣為茂貞兵所圍建自將擊之岐兵敗解去建至興元而還加

尊號曰英武睿聖光孝皇帝二年又加號曰英武睿聖神
功文德光孝皇帝初田令孜之為監軍也盜唐傳國爾室
于蜀而埋之二月尚食使歐陽柔治令孜故第穿地而得之
以獻五月梁遣光祿卿盧玘來聘推建為兄其印文曰大
梁入蜀之印宰相張格曰唐故事奉使四夷其印文曰大
唐入某國之印今梁以兄事陛下奈何卑我如夷狄建怒
欲殺梁使者格曰此梁有司之過爾不可以絕兩國之權
已而梁太祖崩建遣將作監李紘吊之遂刻其印文曰天
蜀入梁之印劍州木連理六月麟見文州十二月黃龍見
富義江三年正月麟見永泰五月麟虞見壁山有二鹿隨
之秋七月皇太子元膺殺太子少保唐襲元膺建次子也
初名宗懿後更名宗坦建得銅牌子于什仿有文二十餘

字建以為符識因取以名諸子故又更曰元膺元膺為人
微喙齔齒多材藝能射錢中孔嘗自抱畫毬擲馬上馳而
射之無不中年十七為皇太子判六軍創天武神機營開
永和府置官屬建以元膺年少任重以記事戒之令一切
學朕所為則可以保國又命道士廣成先生杜光庭為之
師唐襲建之嬖也元膺易之屢誣于朝建懼其交惡乃罷
襲樞密出為興元節度使已而襲罷歸元膺廷疏其過失
建益不悅是月七夕元膺召諸王大臣置酒而集王宗翰
樞密使番峭翰林學士毛錫文不至元膺怒曰集王不來
峭與文錫教之耳明日元膺白建峭及文錫離間諸王建
怒將罪之元膺出而襲入建以問之襲曰太子謀作亂欲
召諸將諸王以兵錮之然後舉事爾建疑之襲請召屯營

軍入衛元膺初不為備聞襲召兵以為誅已乃與伶人安
悉香軍將喻全殊率天武兵自衛遣人擒峭及文錫而答
之幽於其家召大將徐瑤常謙率兵出拒襲與襲戰神武
門襲中流矢墜馬死建遣王宗賀以兵討之元膺兵敗皆
潰去元膺匿羅龍池檻中明日出而丐食蜀人識之以告
建遣宗翰招諭之宗翰未至為衛兵所殺建乃立其幼子
鄭王宗衍為太子白龍見邛州江四年荆南高季昌侵蜀
巫山遣嘉王宗壽敗之于瞿唐八月殺黔南節度使王宗
訓冬南蠻攻掠界上建遣夔王宗範擊敗之于大渡河麟
見昌州五年起壽昌殿於龍興宮畫建像於壁又起扶天
閣畫諸功臣像十一月大火焚其宮室遣王宗傳等攻
取其秦鳳階成四州至平大散關梁叛將劉知俊在焚於

是以其族來通正元年遣王宗誨等率兵十二萬出大散
關攻岐取隴州八月起文思殿以清資五品正員官購群
書以實之以內樞密使毛文錫為文思殿大學士黃龍見
大昌池十月大赦改元十二月又改明年元曰天漢國號
漢天漢元年殺劉知俊十二月大赦改明年元曰光天復
國號蜀光天元年六月建卒年七十二建晚多內寵賢妃
徐氏與妹淑妃皆以色進專房用事交結宦者唐文展等
干與外政建年老昏耄文展判六軍事無大小皆決文展
及建疾以兵入宿衛謀盡去建故將故將大臣聞建疾皆
不得入見父之宗弼等排闥入言文展欲為變乃殺之建
因以謂老將大臣多許昌故人必不為太子用思擇人未
得而疾亟乃以宦者宋光嗣為樞密使判六軍而建卒太

子立去宗名衍

衍字化源建十一子曰衛王宗仁簡王元膺趙王宗紀
王宗輅韓王宗智莒王宗特信王宗傑魯王宗昂興王宗
澤薛王宗平而鄭王宗衍最幼其母徐賢妃也以母寵得
立為皇太子開崇賢府置官屬後更曰天策府衍為人方
頤大口垂手過膝顧目見耳頗知學問能為浮豔之詞元
膺死建以幽王宗輅貌類已信王宗傑於諸子最材賢欲
於兩人擇立之而徐妃專寵建老昏老妃與宦者唐文展
教相士言衍相最貴又諷宰相張格贊成之衍由是得為
太子建卒衍立謚建曰神武聖文孝德明惠皇帝廟號高
祖陵曰永陵建正室周氏號昭聖皇后後建數日而卒衍
因尊其母徐氏為皇太后后妹淑妃為皇太妃太后太妃

以教令賣官自刺史以下每一官闕必數人並爭而入錢
多者得之通都大邑起邸店以奪民利衍年少荒淫委其
政於宦者宋光嗣光祿景潤澄王承休歐陽晃田魯僊等
而以韓昭潘在迎顧在珣嚴旭等為狎客起宣華苑苑有
重光太清延昌會真之殿清和迎仙之宮降真蓬萊丹霞
之亭飛鸞之閣瑞獸之門又作怡神亭與諸狎客婦人日
夜酣飲其中嘗以九日宴宣華苑嘉王宗壽以社稷為言
言發流涕韓昭等曰嘉王酒悲爾諸狎客共以慢言譁嘲
之坐上諠然衍不能省也蜀人富而喜遨當王氏晚年俗
競為小帽僅覆其頂俛首即墮謂之危腦帽衍以為不祥
禁之而衍好戴大帽每微服出游民間民間以大帽識之
因令國中皆戴大帽又好裹尖巾其狀如錐而後宮皆戴

金蓮花冠衣道士服酒酣免冠其鬢鬢然更施朱粉號醉
粧國中之人皆效之嘗與太后太妃游青城山宮人衣服
皆畫雲霞飄然望之若仙衍自作甘州曲述其仙狀上下
山谷衍常自歌而使宮人皆和之衍立之明年改元乾德
乾德元年正月祀天南郊大赦加尊號為聖德明孝皇帝
二年冬北巡至于西縣旌旗戈甲連亘百餘里其還也自
閬州浮江而上龍舟畫舸照耀江水所在供億人不堪命
三年正月還成都五年起上清宮塑王子晉像尊以為聖
祖至道王宸皇帝又塑建及衍像侍立於其左右又於正
殿塑玄宗皇帝及唐諸帝備法駕而朝之六年以王承休
為天雄軍節度使天雄軍秦州也承休以宦者得幸為
徽使承休妻嚴氏有絕色衍通之是時唐莊宗滅梁蜀

閬州
事

人皆懼莊宗遣李嚴聘蜀衍與俱朝上清而蜀都士庶簾
帷珠翠夾道不絕嚴見其人物富盛而衍驕淫歸乃獻策
伐蜀明年唐魏王繼及郭崇韜伐蜀是歲衍改元曰咸康
衍自立歲常獵于子來山是歲又幸彭州陽平化漢州三
學山以王承休妻嚴氏故十月幸秦州群臣切諫衍不聽
行至梓潼大風發屋拔木太史曰此貪狼風也當有敗軍
殺此我家物也何用獻為居數日為崇韜所殺宗壽許
氏民家子也建以同姓錄之為子宗壽好學工琴奕為人
恬退喜道家之術事建時為鎮江軍節度使衍既立宗壽
為太子太保奉朝請以煉丹養氣自娛衍為淫亂備宗壽
常切諫之後為武信軍節度使唐師伐蜀所在迎降魏王
常以書招之獨宗壽不降聞衍已街驛大勸從衍東遷至

岐陽以賄賂守者得入見衍衍泣下求活襟曰早從王言豈
有今日衍死宗壽至澠池聞莊宗遇弒亡入熊耳山天成
二年出詣京師上書求衍宗族焚之明宗嘉其忠以為保
義軍行軍司馬封衍順正公許以諸侯禮焚宗壽得王氏
十八喪焚之長安南二趙村

嗚呼自秦漢以來學者多言祥瑞雖有善辯之士不能祛
其惑也予讀蜀書聖於龜龍麟鳳騶虞之類世所謂王者
之嘉瑞莫不畢出於其國異哉然考王氏之所以興亡成
敗者可以知之矣或以為一王氏不足以為當之則視時天
下治亂可以知之矣龍之為物也以不見為神以升雲行
天為得志今偃然暴露其形是不神也不上于天而下見
於水中是失職也然其一何多歟可以為妖矣鳳凰鳥之

遠人者也昔舜治天下政成而民悅命夔作樂樂聲和鳥
獸聞之皆鼓舞當是之時鳳凰適至舜之史因并記以為
美後世因以鳳來為有道之應其後鳳凰數至或出於庸
君繆政之時或出於危亡大亂之際是果為瑞哉麟獸之
遠人者也昔魯哀公出獵得之而不識蓋系而獲之非其
自出也故孔子書於春秋曰西狩獲麟者譏之也西狩非
其遠也獲麟照其盡取也狩必書地而哀公馳騁所涉地
多不可偏以名舉故書田以包眾地謂其舉國之西皆至
也麟人罕識之獸也以見公之躬山竭澤而盡取至於不
識之獸皆搜索而獲之故曰譏之也聖人已沒而異端之
說興乃以麟為王者之瑞而附以符命織緯詭恠之言鳳
嘗出於舜以為瑞猶有說也及其後出於亂世則可以知

其非瑞矣若麟者前有治世如堯舜禹湯文武周公之世
未嘗一出其一出而當亂世然則孰知其為瑞哉龜之物
也污泥川澤不可勝數其死而貴於上官者用適有宜爾
而戴氏禮以其在宮沼為王者難致之瑞戴禮雜出於諸
家其失亦以多矣騶虞吾不知其何物也詩曰吁嗟乎騶
虞吾聞詠以為騶者文王之囿虞虞官也當詠之時其說如
此然則以之為獸者其出於近世之說乎夫破人之惑者難
與爭於篤信之時待其有所疑焉然後從而攻之可也麟
鳳龜龍王者之瑞而出於五代之際又皆萃于蜀此雖好
為祥瑞之說者亦可疑也因其可疑者而攻之庶幾惑者
有以思焉唐前蜀書運曆圖九國志皆云建以唐天順二年入成都
今以為定惟推五代史云龍紀元年入成都天祐五年建號改元者繆
也至後唐同光三年蜀滅則諸書皆同自大順二年至同光三年凡十

年五

五代史記卷第六十四 後蜀世家四

五代史記卷第六十四

後蜀世家四

宋歐陽脩撰徐無黨注明汪藻與高濂傳汝舟校

孟知祥字保胤邢州龍江人也其叔父遇當唐之末據邢
洛懿三州為晉所虜晉王以遷守澤潞梁兵攻晉遷以澤
潞降梁知祥父道獨留事晉而不顯及知祥壯晉王以其
弟克讓女妻之以為左教練使莊宗為晉王以知祥為中
將使前此為中門使者多以罪誅知祥懼求他職莊宗嘗
知祥薦可代已者知祥因薦郭崇韜自代崇韜德之知祥
遷馬步軍都虞候莊宗建號以太原為北京以知祥為太
原尹北京留守魏王繼岌伐蜀郭崇韜為招討使崇韜臨
訣白曰即臣等平蜀陛下擇帥以守西川無如孟知祥者
已而唐兵破蜀莊宗遂以知祥為成都尹劍南西川節度

副大使知祥馳至京師莊宗戒有司盛供帳多出內府珍
奇諸物以宴勞之酒酣語及平昔以為笑樂歎曰繼安前
日乳真兒爾乃能為吾平定兩川吾徒老矣孺子可喜然
益令人悲爾吾憶先帝弃世時疆土侵削僅保一隅豈知
今日奄有天下九州四海奇珍異產充牣吾府因指以示
知祥曰吾聞蜀王之富無異於此以卿親賢故以相付同
光四年正月戊辰知祥至成都而崇韜已死魏王繼安引
軍東歸先鋒康延孝反攻破漢州知祥遣大將李仁罕會
任圜董璋等丘擊破延孝知祥得其將李肇侯弘實員及其
兵數千以歸而莊宗崩魏王繼安死明宗入立知祥乃訓
練兵甲陰有王蜀之志益置義勝定遠驍銳義寧飛掉等
軍七萬餘人命李仁罕趙延隱張業等分將之初魏王之

班師也知祥率成都富人及王氏故臣家得錢六百萬緡
以犒軍其餘者猶二百萬任圜自蜀入為相兼判三司素
知蜀所餘錢是冬知祥加拜侍中乃以太僕卿趙季良猶
官告賜之因以為三川制置使督蜀犒軍餘錢送京師且
制置兩川征賦知祥怒不奉詔然知祥與季良有舊遂留
之樞密使安重誨頗疑知祥有異志思有以制之初知祥
鎮蜀莊宗以宦者焦彦質為監軍明宗入立悉誅宦者罷
諸道監軍彦質已罷重誨復以客省使李季嚴為監軍嚴前
使蜀既歸而獻策伐蜀蜀人皆惡之而知祥亦怒曰焦彦
質以例罷而諸道皆廢監軍獨吾軍置之是嚴欲以蜀再
為功也掌書記母昭裔及諸將吏皆請止嚴無內知祥曰
吾將有以待其來嚴至境上遣人持書候知祥知祥盛兵

見之與嚴懼而不來嚴聞之自若天成二年正月嚴至成都知祥置酒召嚴嚴是時佳賓雖罷能猶在蜀嚴於懷中出詔示知祥以誅彥賓知祥不聽因責嚴曰今諸大鎮已罷監軍公何得來此日客將王彥銖執嚴下斬之明宗不能詰初知祥鎮蜀遣人迎其家屬于太原行至鳳翔鳳翔節度使李從暉聞知祥殺李嚴以為知祥反矢遂留之明宗既不能詰而猶欲以恩信懷之乃遣客省使李仁矩慰諭知祥并送瓊華公主及其子昶等歸之知祥因請趙季良為節度副使事無大小皆與參決三年唐徙季良為果州團練使以何瓚為節度副使知祥得制書磨之表留季良不許乃遣其將雷廷魯至京師論請明宗不得已而從之是時瓚行至縣谷懼不敢進知祥乃奏瓚為行軍

司馬是歲唐師伐荆南詔知祥以兵下峽知祥遣毛重威率兵三千戍夔州已而荆南高季興死其子從誨請命知祥請罷戍兵不許知祥諷重威以兵鼓譟潰而歸唐以詔書劾重威知祥奏請無効由是唐大臣益以知祥為必反四年明宗將有事于南郊遣李仁矩責知祥助禮錢一百萬緡知祥覺唐謀因已辭不肯出久之請獻五十萬而已初魏王繼岌東歸留精兵五千戍蜀自安重誨疑知祥有異志聽言事者用已所親信分守兩川管内諸州每除守將則以精兵為其牙隊多者二三千少者不下五百人以備緩急是歲以夏魯奇為武信軍節度使分東川之閬州為保寧軍以李仁矩為節度使又以武虔裕為絳州刺史仁矩與東川董璋有隙而虔裕重誨表兄由是璋與知

祥皆懼以謂唐將致討自璋鎮東川未嘗與知祥通問於是璋始遣人求婚以自結而知祥心恨璋欲不許以問趙季良季良以謂宜合從以拒唐知祥乃許於是連表請罷還唐所遣節度刺史等明宗優詔慰諭之長興元年二月明宗有事于南郊加拜知祥中書令初知祥與璋俱有異志而安重誨信言事者以為璋盡忠於國獨知祥可疑重誨猶欲倚璋以圖知祥是歲九月董璋先反攻破閬州擒李仁矩殺之是月應聖節知祥開宴東北望再拜俯伏嗚咽泣下沾襟士卒皆為之欷歔明日遂舉兵反是秋明宗改封瓊華公主為福慶長公主有司言前世公主受封皆未出降無遣使就蕃冊命之儀詔有司草具新儀乃遣祕書監劉岳為冊使岳行至鳳翔聞知祥反乃旋明宗下

詔削奪知祥官爵命天雄軍節度使石敬瑭為都招討使夏魯奇為副知祥遣李仁罕張業趙廷隱將兵三萬人會璋攻遂州別遣侯弘實將四千人助璋守東川又遣張武下峽取渝州唐師攻劔門殺璋守兵三千人遂入劔門璋來告急知祥大駭遣廷隱分兵萬人以東已而聞唐軍止劔州不進喜曰使唐軍急趨東川則遂州解圍吾執道而兩川搖矣今其不進吾知易與爾十二月敬瑭及廷隱戰于劔門唐師大敗張武已取渝州武病卒其副將袁彥超代將其兵又取黔州二年正月李仁罕克遂州夏魯奇死之知祥以仁罕為武信軍留後遣人馳魯奇首示敬瑭軍敬瑭乃班師利州李彥珂聞唐軍敗東歸乃奔城走知祥以趙廷隱為昭武軍留後李仁罕進攻夔州刺史安崇院

奔城走以趙季良為留後是時唐軍涉險以餉道為艱自潼關以西民苦轉饋每費二石不能置一斗道路嗟怨而敬瑭軍既旋所在守將又皆奔城走明宗優之以責安重誨重誨懼遽自請行而重誨亦以被讒得罪死明宗以誦致知祥等反由重誨失策及重誨死乃遣西川進奏官蘇原進奉軍將杜紹本西歸招諭知祥具言知祥家屬在京師者皆無恙知祥聞重誨誅死而唐厚待其家屬乃邀瑋欲同謝非瑋曰孟公家屬皆存而我子孫獨見殺我何謝為知祥三遣使往見瑋瑋不聽乃遣觀察判官李臬說瑋瑋益疑知祥賣已因發怒以語侵臬臬乃勸知祥攻之而瑋先襲破知祥漢州知祥遣趙廷隱率兵三萬自將擊之陣雖距橋知祥得瑋降卒衣以錦袍使持書招降瑋瑋曰

事已及此不可悔也瑋軍士皆謀曰徒曠我於日中何不速戰瑋即麾軍以戰兵始交偏將張守進來降知祥乘之瑋遂大敗走過金鴈橋磨其子光嗣使降以保家族光嗣哭曰自古豈有殺父而求生者乎寧俱就死因與瑋俱走知祥遣趙廷隱追之不及瑋走至梓州見殺光嗣自縊死知祥遂并有東川然自瑋死知祥卒不遣使謝唐唐樞密使范延光曰知祥雖已破瑋必借朝廷之勢以為兩川之重自非屈音招之彼亦不能自歸也明宗曰知祥吾故人也本因間諜致此危疑撫吾故人何屈意之有先是克寧妻孟氏知祥妹也莊宗已殺克寧孟氏歸于知祥其子環留事唐為供奉官明宗即遣環歸省其母因賜知祥詔書招慰之知祥無據兩川以趙季良為武泰軍留後季仁于

武信軍留後趙廷隱保寧軍留後張業寧江軍留後李肇昭武軍留後季良等因請知祥稱王以墨制行事議未決而壞至蜀知祥見環倨慢九月環自蜀還得知祥表請除趙季良等為五鎮節度其餘刺史以下得自除授又請封蜀王且言福慶公主已卒明宗為之發哀遣閣門使劉政恩為宣諭使政恩復命知祥始遣其將朱晁來朝四年二月癸亥制以知祥檢校太尉兼中書令行成都尹劍南東西兩川節度管内觀察處置兼統押近界諸蠻兼西山八國雲南安撫制置等使遣工部尚書盧文紀冊封知祥為蜀王而趙季良等五人皆拜節度使唐兵先在蜀者數萬人知祥皆厚給其衣食因請送其家屬明宗詔諭不許十一月明宗崩明年閏正月知祥乃即皇帝位國號蜀以趙季

良為司空同中書門下平章事中門使王處回為樞密使李昊為翰林學士三月唐潞王舉兵於鳳翔帝遣王思同等討之思同兵潰山南西道節度使張慶釗武定軍節度使孫漢韶皆以其地附于蜀四月知祥改元曰明德六月庚釗等至成都知祥宴勞之庚釗奉觴起為壽知祥手緩不能舉觴遂病以其子景為皇太子監國知祥卒謚為文武聖德英烈明孝皇帝廟號高祖陵曰和陵

景知祥第三子也知祥為西川節度使景為行軍司馬知祥僭號以景為東川節度使同中書門下平章事知祥病景監國知祥已卒而祕未發喪王處回夜過趙季良相對泣涕不已季良正色曰今疆侯握兵專同時變當速立嗣君以絕非望泣無益也處回遂與季良立景而後發喪和

立不改元仍稱明德至五年始改元曰廣政明德三年三月焚惑犯積尸泉以謂積尸蜀分也懼欲禳之以問司天少監胡韞韞曰按十二次起并五度至柳八度為鷄首一次鷄首秦分也蜀雖屬秦乃極南之表爾前世火入鬼其應多在秦晉咸和九年三月火犯積尸四月雍州刺史郭權見殺義熙十四年火犯鬼明年雍州刺史朱齡石見殺而蜀皆無事泉乃止泉好打球走馬又為方士房中之術多採良家子以交後宮樞密副使韓保貞切諫泉大悟即日出之賜保貞金數斤有上書者言其臺省官當擇清流和數曰何不言擇其人而任之左右請以其言詰上書者泉曰吾見唐太宗初即位獄吏孫伏伽上書言事皆具嘉納奈何勸我損諫耶然泉年少不親政事而將相大臣皆知

祥故人知祥寬厚多優縱之及其事泉益驕蹇多踰法度務廣第宅奪人良田發其墳墓而李仁罕張業尤甚泉即位數月執仁罕殺之并族其家是時李肇自鎮來朝杖而入見稱疾不拜及聞仁罕死遽釋杖而拜廣政九年趙季良卒張業益用事業仁罕甥也仁罕被誅時業方掌禁兵泉懼其反乃用以為相業無判度支置獄于家務以酷法厚斂蜀人蜀人大怨十一年泉與匡聖指揮使安思謙謀執而殺之王處回趙廷隱相繼致仕由是故將舊臣迨盡泉始親政事於朝堂置匭以通下情是時契丹滅晉漢高祖起于太原中國多故雄武軍節度使何建以秦成階三州附于蜀泉因遣孫漢韶攻下鳳州於是悉有王衍故地漢將趙思綰據永興王景崇據鳳翔及皆送款于泉泉

遣張虔釗出大散關何建出隴右李廷珪出子午谷以應
思緒景相母昭裔切諫以為不可然景志欲窺關中甚銳
乃遣安思謙益兵向東已而漢誅思緒景遣虔釗等皆罷
歸而思謙耻於無功多殺士卒以威眾景與翰林使王藻
謀殺思謙而邊吏有急奏藻不以時聞輒啓其封景怒之
其殺思謙也藻方侍側因并擒藻斬之十二年置吏部三
銓禮部貢舉十三年景加號睿文英武仁聖明孝皇帝封
子玄喆秦王判左軍事次子玄珪襲王弟仁毅襲王仁贄
雅王仁裕嘉王十八年周世宗伐蜀攻自秦州景以韓繼
勳為雄武軍節度聞周師來伐歎曰繼勳豈足以當周兵
耶客省使趙季札請行乃以季札為秦州監軍使季札行
至德陽聞周兵至遽馳還奏事景召問之季札惶懼不能

道一言景怒殺之乃遣高彥儔李廷珪出堂倉以拒周師
彥儔大敗走青泥於是秦成階鳳復入于周景懼分遣使
者聘于南唐東漢以張形勢二十年世宗以所得蜀俘歸
之景亦歸所獲周將胡立于京師因寓書于世宗世宗怒
景無臣禮不答二十一年周兵伐南唐取淮南十四州諸
國皆懼荆南高保融以書招景使歸周景以前嘗致書世
宗不答乃止景幼子玄寶生七歲而卒太常言無服之殤
無贈典景問李昊昊曰晉唐德宗皇子評生四歲而卒贈
揚州大都督封肅王此故事也景乃贈玄寶青州大都督
追封遂王二十五年立秦王玄喆為皇太子景幸晉漢之
際中國多故而據險一方君臣務為奢侈以自娛至於弱
哭皆自以七寶裝之宋興已下荆潭景益懼遣大程官孫遇

以璘丸書間行東漢約出兵以撓中國遇為邊吏所得太祖皇帝遂詔伐蜀遣王全斌崔彥進等出鳳州劉光人曹彬等出歸州詔入作司度右掖門南臨汴水為景治第一區凡五百餘間供帳什物皆具以待景景遣王昭遠趙彥韜等拒命昭遠成都人也年十三事東郭禪師智謹為童子知祥嘗飯僧於府昭遠執巾履從智謹以入知祥見之愛其惠黠時景方就學即命昭遠給事左右而見親狎景立以為捲簾使樞密使王處回致仕景以樞密使權重難制乃以昭遠為通奏使知樞密使事然事無大小一以委之府庫金帛恣其所取不問景母李太后常為景言昭遠不可用景不聽昭遠好讀兵書以方畧自許兵始發成都景遣李昊等餞之昭遠手執鐵如意指揮軍事自此諸葛

亮酒酣謂昊曰吾之是行何止克敵當領此二二萬離面惡少兒取中原如反掌爾景又遣子女結率精兵數萬守劔門玄結釐其愛姬精樂器伶人數十以從蜀人見者皆竊笑全斌至三泉遇昭遠擊敗之昭遠焚吉柏江浮橋退守劔門軍頭向韜得蜀降卒言來蘇小路出劔門南清彊店與大路合全斌遣偏將史延德分兵出來蘇北擊劔門與全斌夾攻之昭遠彥韜敗走皆見擒玄結聞昭遠等敗亦逃歸劉光人攻夔州夔州守將高彥傳戰敗閉牙城拒守判官羅濟勸其走彥傳曰吾昔不能守秦川今又奔北雖人主不殺我我何面目見蜀人乎又勸其降彥傳不許乃自焚死而蜀兵所在奔潰將帥多被擒獲景問計於左右老將石顏以謂東兵遠來勢不能久宜聚兵堅守以敵

之景歎曰吾與先君以溫衣美食養士四十年一旦臨敵不能為吾東向放一箭雖欲堅壁誰與吾守者耶乃命李昊草表以降時乾德三年正月也自興師至景降凡六十六日初昊事王衍為翰林學士衍之亡也昊為卓降表至是又草馬蜀人夜表其門曰世修降表李家當時傳以為笑景至京師拜檢校太師兼中書令封秦國公七日而卒追贈楚王其母李氏為人明辯甚見優禮詔書呼為國母嘗召見勞之曰母善自愛無戚戚思蜀他日當送母歸李氏曰妾家本太原儻得歸老故鄉不勝大願是時劉鈞尚在太祖大喜曰俟平劉鈞當如母願景之卒也李氏不哭以酒酌地祝曰汝不能死社稷苟生以取羞吾所以忍死者以汝在也吾今何用生為因不食而卒其餘事具國史

知祥與滅年數甚明諸書皆同蓋自同光三年乙酉入蜀至皇朝乾德三年乙丑國滅凡四十一年惟借五代史云同光三年丙戌至乾德三年乙丑四十年者繆也

此處為書中正文，因圖像模糊，文字難以辨認。依稀可見「...年...」等字樣。

五代史記卷第六十五

南漢世家五

宋歐陽脩撰徐無黨注明汪文盛高麗權汝舟校

劉隱其祖安仁上蔡人也後徙閩中商賈南海因家焉父
謙為廣州牙將唐乾符五年黃巢攻破廣州去略湖湘間
廣州表謙封州刺史領江鎮過使以禦拒桂以西歲餘有
兵萬人戰艦百餘艘謙三子曰隱台巖謙卒廣州表隱代
謙封州刺史乾寧中節度使劉崇龜死嗣薛王知柔代為
帥行至湖南廣州將盧瑒輩起作亂知柔不敢進隱以封
州兵攻殺瑒玘迎知柔知柔辟隱知軍司馬其後徐彥若
代知柔表隱節度副使委以軍政彥若卒軍中推隱為留
後天祐二年拜隱節度使梁開平元年加檢校太尉兼侍
中二年兼靜海軍節度安南都護三年加檢校太師兼中

書令封南平王隱父子起封州遭世多故數有功於嶺南
遂有南海隱優好賢士是時天下已亂中朝人士以嶺外
最遠可以避地多將焉唐世名臣謫死南方者往往有子
孫或當時仕宦遭亂不得還者皆各領表王定保倪羅劉
濬李衡周傑揚洞潜趙光胤之徒隱皆招禮之定保容管
巡官暉唐太學博士濬崇鈞之子以避亂往德裕之孫
唐右補闕以奉使往皆辟置幕府待以賓客傑善星曆唐
司農少卿因避亂往隱數問以災變傑耻以星術事人嘗
稱疾不起隱亦客之洞潜初為監管巡官秩滿客南海隱
常師事之後以為節度副使及龔夔僭號為陳吉凶禮法為
國制度略有次序皆用此數人為乾化元年進封隱南海
王是歲卒年三十八弟龍立

南史出卷五

龍天初名嚴謙庶子也其母段氏生龍美於外舍謙妻韋氏素
妬聞之怒拔劍而出命持龍至將殺之及見而憐劍輒墮上
地良久曰此非常兒也後三日卒殺段氏養龍為己子及
長善騎射身長七尺垂手過膝為行軍司馬龍亦辟薛
王附諮議參軍隱鎮南海龔為副使隱卒龔代立乾化二
年除清海軍節度使檢校太保同平章事三年加檢校太
傅末帝即位悉以隱官爵授龍龔封南海王唐末南海最
後亂僖宗以後大臣出鎮者天下皆亂無所之惟除南海
而已自隱始亦自立是時交州曲顛桂州劉士政邕州華
廣略容州龐巨昭分據諸管唐兪晃稠據虔州以攻嶺上其
弟光睦據潮州子延昌據韶州高州刺史劉昌魯新州刺
史劉潜及江東七十餘寨皆不能制隱攻韶州龔曰韶州

所賴者先稠擊之虞人必應應則首尾受敵此不宜直攻
而可以計取隱不聽果敗而歸因重以兵事付龔龔乘平
諸寨遂殺昌胤等更置刺史卒出兵攻敗盧氏取潮詔又
西與馬殷爭容桂殷取桂管虜士攻龔取容管遂巨昭又
取容管隱龔自梁初受封爵稟正朔而已貞明三年龔即
皇帝位國號大越改元曰乾亨追尊安仁文皇帝謙聖武
皇帝隱襄皇帝立三廟置百官以楊洞潜為兵部侍郎李
衡禮部侍郎倪曙工部侍郎趙光胤兵部尚書皆平章事
光胤自以唐甲族耻事偽國常怏怏思歸龔乃習為光胤
手書遣使問道至安陽召其子損益并其家屬皆至光
胤驚喜為畫惡焉龔天性聰悟而苛酷為刀鋸支解剝剔之
刑每視殺人則不勝其喜不覺有頽垂涎呀呻人以為真

蛟蜃也又好奢侈悉聚南海珍寶以為玉堂珠殿二年祀
天南郊大赦境內改國號漢龔初欲僭號憚王定保不從
遣定保使荆南及還懼其非已使倪曙勞之告以建國定
保曰建國當有制度吾入南門清海軍額猶在四方其不
取笑乎龔笑曰吾備定保久矣而不思此宜其譏也三年
冊越國夫人馬氏為皇后馬氏楚王殷女也四年春置選
部貢舉放進士明經十餘人如唐故事歲以為常七年唐
莊宗入汴龔懼遣宮苑使何詞入詢中國虛實稱大漢國
主致書大唐皇帝詞還言唐必亂不足憂龔大喜又性好
夸大嶺北商賈至南海者多召之使升宮殿示以珠玉之
富自言家本咸秦耻王蠻夷呼唐天子為洛州刺史是歲
雲南驃信鄭旻遣使致朱髯白馬以求婚使者自稱皇親

母弟清容布燮兼理賜金錦袍虎綾紋攀金裝刀封歸仁
慶侯食邑一千戶持節鄭昭淳昭淳好學有文辭龍與將
燕賦詩龍及群臣皆不能逮遂以隱女增城縣主妻晏八
年作南宮王定保獻南宮七奇賦空美之龔初名巖又更
曰陟九年白龍見南宮三清殿改元白龍又更名龔以應
龍見之祥有胡僧言讖書滅劉氏者龔也龍乃採周易飛
龍在天之義為龔字音儼以名焉四年楚人以舟師攻封
州封州兵敗於賀江龔懼以周易筮之遇大有遂赦境內
改元曰大有遣將蘇章以神弩重二千枚封州章以兩鐵
索沈賀江中為巨輪於岸上築堤以隱之因輕舟迎戰場
敗而奔楚人逐之章舉巨輪挽索鎖楚舟以彊弩夾江射
之盡殺楚人三年遣將李守鄺泓克貞攻交趾擒曲承美

承美至南海龔登儀鳳樓受俘謂承美曰公常以我為偽
廷今反面縛何也承美頓首伏罪乃赦之承美顯子也克
貞又攻占城掠其寶貨負而歸四年愛州楊廷藝叛攻交州
刺史李進遜歸龔遣承貞程寶公廷藝寶戰死五年封子
耀樞邕王龜圖康王洪度秦王洪熙晉王洪昌越王洪弼
齊王洪雅韶王洪澤鎮王洪操萬王洪杲循王洪暉息王
洪觀高王洪簡同王洪建益王洪濟辨王洪道貴王洪照
宜王洪政通王洪益定王九年遣將軍孫德成攻蒙州不
克十年交州牙將皎公美殺楊廷藝自立廷藝故將吳權
攻交州公美來乞師龔封洪操交王出兵白藤以攻之龔
以兵駐海門權已殺公美逆戰海口植鐵檣海中權兵乘
潮而進洪操逐之潮退舟還檣者皆覆洪操戰死龔收

餘衆而還十五年龍興卒年五十四謚天皇帝廟號高祖
陵曰康陵子玠立

玠初名洪度封秦王龔子權樞龜圖皆早死玠次當立龔
病卧寢中召右僕射王翻與語呼洪度洪熙小字曰壽鶴
雖長然皆不足任吾事惟洪昌類我吾欲立之奈何吾子
孫不肖後世如鼠入牛角勢當漸小爾因泣下歔歔翻為
龔謀出洪度以邕州洪熙容州然後立洪昌為太子議已
定崇文使蕭益入問疾龔以告之益諫曰少者得立長者
爭之禍始此矣由是洪度卒得立更名玠改元曰光天尊
母趙昭儀為皇太后妃以晉王洪熙輔政玠立果不能任事
龔在殯召伶人作樂飲酒宮中裸男女以為樂或衣黑縷
與娼女夜行出入民家由是山海間盜賊競起妖人張遇

賢自稱中天八國王攻陷循州玠遣越王洪昌循王洪果
攻之遇賢圖洪昌等於錢帛館裨將萬景忻陳道庠力戰
挾二王潰圍而走玠竟能省嶺東皆亂洪熙日益進聲妓
誘玠為荒恣玠亦頗疑諸弟圖已敕宦官守宮門入者皆
露索洪熙洪果洪昌陰遣陳道庠養勇士劉思潮譚令禮
林少彊少良何昌廷等習為用舡以獻玠玠宴長春宮以
閱之玠醉起道庠與思潮等隨至寢門拉殺之盡殺其左
右玠立二年卒年二十四謚曰煬弟晟立

晟初名洪熙封晉王既殺玠遂自立改元曰應乾以洪昌
為兵馬元帥知政事洪果副元帥劉思潮等封功臣晟既
殺兄立不順懼衆不伏乃益峻刑法以威衆已而洪果屢
請討賊陰勸晟誅思潮等以止外議晟大怒使使者夜召

洪杲洪杲知不免乃留使者入具沐浴詣佛前祝曰洪杲
誤念來生王官今見殺矣後世當生民家以免屠害涕泣
與家人訣別然後赴召至則殺之冬晟祀天南郊改元曰
乾和群臣上尊號曰大聖文武大明至道大光孝皇帝二
年夏遣洪昌祠襄帝陵於海曲至昌華宮晟使盜刺殺之
晟自殺洪杲由是與諸弟有隙而洪昌最賢龔素所欲
立者晟尤忌之故先及官鎮王洪澤居邕州有善政是歲
鳳皇見邕州晟怒使人醜殺之而諸弟相次見殺三年殺
其弟洪雅又殺劉思朝等五人思潮等死陳道庠懼不自
安其友鄧仲以荀悅漢紀遺之道庠莫能曉仲罵曰敦獠
韓信誅而彭越醢皆在此書矣天道庠悟益懼晟聞之大怒
以道庠伸下獄皆斬之於市夷其族以右僕射王翻為英

州刺史使人殺之於路五年晟弟洪弼洪道洪益洪濟洪
簡洪建洪暉洪照同日皆自見殺六年遣工部郎中知制誥
鍾允章聘楚以求婚楚不許允章還晟曰馬公復能經畧
南土乎是時馬希廣新立希範起兵武陵湖南大亂允章
具言楚可攻之狀晟乃遣巨象指揮使吳珣內侍吳懷恩
攻賀州已克之楚人來救珣鑿大阱於城下覆箔於上以
土傅之楚兵逼城采陷阱中死者數千楚人皆走珣等攻
桂州及連宜其嚴梧蒙五州皆克之掠全州而還九年冬又
遣內侍潘崇徹攻郴州李景兵亦在與崇徹等遇戰大敗
景兵於宜章遂取郴州晟益得志遣巨艦指揮使暨彥斌
以兵入海掠商人金帛帛作離宮游獵故時劉氏有南宮大
明昌華甘泉玩華秀華玉清太微諸宮凡數千不可悉紀

宦者林延遇宮人盧瓊仙內外專恣為殺戮晟不復省嘗
夜飲大醉以瓜置道伶人尚玉樓項拔劍斬之以試劍因并
斬其首明日酒醒復召玉樓侍飲左右白已殺之晟歎息
而已十年湖南王進達以兵五萬率溪洞蠻攻郴州潘崇
徹敗達於煨石斬首萬餘級十一年晟病甚封其子繼興
衛王旋興柱王慶興荆王保興祥王宗興梅王十二年晟
親耕藉田交州吳昌濬遣使稱臣求節鉞昌濬者權子也
權自龍興時據交州龍濬遣洪操攻之洪操戰死遂奔不復攻
權死子昌及立昌及卒弟昌濬立始稱臣於晟晟遣給事
中李璵以旌節招之璵至白州昌濬使人止璵曰海賊為
亂道路不通璵不果行晟殺其弟洪邈十三年又殺其弟
洪政於是龍興之諸子盡矣顯德三年世宗平江北晟始惶

恐遣使修貢於京師為楚人所隔使者不得行晟憂形於
色又嘗自言知星末年月食半女間出書占之歎曰吾當
之矣因為長夜之飲十六年上苑域於城北運甓為墻晟
親臨視之是秋卒年三十九謚曰文武光聖明孝皇帝廟
號中宗陵曰昭陵子銀立

銀初名繼興封衛王晟卒以長子立改元曰大寶貞晟性剛
忌不能任臣下而獨任其嬖倖臣官宮婢延遇瓊仙等至
銀尤愚以謂群臣皆自有家室顧子孫不能盡忠惟宦者
親近可任遂委其政於宦者龔澄樞陳延壽等至其群臣
有欲用者皆闢然後用澄樞等既專政銀乃與宮婢波斯
女等淫戲後宮不復出省事延壽又引女巫樊胡子自言
玉皇降胡子身銀於內殿設帳幄陳寶負胡子冠遠遊冠

衣紫霞裙坐帳中宣稱福呼張為太子皇帝國事皆決於
胡子庸瓊仙龔澄樞等爭附之胡子乃為張言澄樞等皆
上天使來輔太子有罪不可問尚書左丞鍾允章然政事
深嫉之數請誅宦官宦官皆反目二年張祀天南郊前三
日允章與禮官登壇四顧指麾宦者許彥真望見之曰此
謀反耳乃拔劔升壇允章迎叱之彥真馳走告允章及張
下允章獄遣禮部尚書薛用丕治之允章與用丕有舊因
泣下曰吾今無罪自誣以死固無恨然吾二子皆幼不知
父冤俟其長公可告之彥真聞之罵曰反賊欲使而子報
仇邪復入白張并捕二子繫獄遂族誅之陳延壽謂張曰
先帝所以得傳陛下者由盡殺群身也勸張稍誅諸王張
以為然殺其弟桂王璇興是歲建隆元年也張將邵廷珩

言於張曰漢乘唐亂居此五十年幸中國有故干戈不及
而漢益驕於無事今兵不識旗鼓而人主不知存亡夫天
下亂久矣亂久而治自然之勢也今聞真主已出必將盡
有海內其勢非一天下不能已勸張修兵為備不然悉珍
寶奉中國遣使以通好張憤然莫以為慮惡廷珩言直深
恨之四年芝茵生宮中野獸觸寢門苑中羊吐珠并旁石
自立行百餘步而仆樊胡子皆以為符瑞諷群臣入賀五
年張以宦者李托養女為貴妃專寵托為內太師居中專
政許彥真既殺鍾允章惡龔澄樞等居已上謀殺之澄樞
使人告彥真反族誅之七年王師南伐克郴州晟所遣將
暨彥質與其刺史陸光圖皆戰死餘眾退保韶州張始思
廷珩言遣廷珩以舟兵出洗口抗王師會王師退舍廷珩

訓士卒修戰備嶺人倚以為良將有譖者殺無名書言廷
珣反鏐遣使者賜死士卒排軍門見使者訖廷珣無反狀
不能救為立祠於洗口八年交州吳昌文卒其佐呂處珩
與峯州刺史喬知祐爭立交趾大亂驩州丁璉舉兵擊破
之鏐授璉交州節度九年南海民妻生子兩首四臂是時
太祖皇帝詔李煜諭鏐使稱臣鏐怒囚煜使者龔慎儀十
三年詔潭州防禦使潘美出師師次白霞鏐遣龔澄樞守
賀州郭崇岳守桂州李托守韶州以備是歲秋潘美平賀
州十月平昭州又平桂州十一月平連州鏐喜曰昭桂連
賀本屬湖南今北師取之足矣其不復南也其愚如此十
二月平韶州開寶四年正月平英雄二州鏐將潘崇徹先
降師次龍頭鏐遣使請和求緩師二月師度馬逕鏐遣其

右僕射蕭灌奉表降淮行鏐惶迫復令整兵拒命美等進
師鏐遣其弟祥王保興率文武詣美軍降不納龔澄樞李
托等謀曰北師之來利吾國寶貨尔焚為空城師不能駐
當自還也乃盡焚其府庫宮殿鏐以海舶十餘悉載珍寶
嬪御將入海宦官樂範竊其舟以逃歸師次白田鏐素衣
白馬以降獻俘京師赦鏐為左千牛衛大將軍封恩赦侯
其後事真國史隱興成年世諸書皆同蓋自市口天祐二年隱為廣
州節度使至皇朝開寶四年國滅凡六十七年舊
五代史以梁貞明二年龔階
號為始故曰五十五年尔

五经文字卷之五

五经文字卷之五

五经文字卷之五

五经文字卷之五

五经文字卷之五

五经文字卷之五

五经文字卷之五

五经文字卷之五

吳郡



